

25  
3537  
25





1872  
25



特  
門 5  
號 3537  
卷 25

重修揚州府志卷之四十二

選舉志四 武科

明

嘉靖 陳元吉 儀徵人本

乙未 方矩 揚州人左衛所百戶 冒爵 泰州人本

戊戌 高懋功 江都人錦衣衛鎮撫

癸丑 高燭 江都人錦衣衛鎮撫

隆慶 施家謨 江都人

萬曆 王廷臣 江都人福

丁丑 劉懋中 江都人揚州衛鎮撫 張人紀 江都人

丙戌 選舉四





巳丑 陶燦 泰州人本所鎮撫

壬辰 施夢龍 江都人 柯應龍 高郵人江南掌運都司

乙未 韓相 江都人 呂佾 高郵人

戊戌 陳雲龍 江都人 陳紹慶 江都人

巳亥 袁應黻 興化人掘港場守備

辛丑 張應辰 江都人 趙庭 江都人

甲辰 劉文彬 江都人

癸丑 彭天翔 江都人 王夢禎 高郵人松江柘林守備

丙辰 楊烈 江都人

巳未 倪本憲 江都人

天啓 王繩堯 江都人 劉之慶 江都人 戚世光 泰州人

巳丑 楊晉元 興化人徐州守備

崇禎 焦龍文 江都人 趙大復 江都人 顧玉鉉 江都人 陳長知 江都人

辛未 古道行 江都人 彭以功 江都人浙東都督同知

甲戌 陳良弼 江都人 甄良棟 興化人

丁丑 孫之烈 江都人 張宿 高郵人 王翹林 泰州人

庚辰 徐宗麟 江都人 吳天定 江都人

癸未 卮沂 江都人 盧廷襄 江都人 柏府 高郵人陝西守備一作柏舟 周官

高郵人江西建昌都司



國朝

順治 丙戌 吳陸文 高郵人 喬嘉猷 寶應人 吳國弼 寶應人 紹興守備

李奇昌 寶應人 永州守備 郭宗振 高郵人 定遠中軍 張懌 寶應人

巳丑 孫開圖 高郵人 東昌都司 郭宗振 高郵人 定遠中軍 張懌 寶應人

壬辰 林翹楚 江都人 魏朗 江都人 李士恭 儀徵人 陳鼎新 高郵人

道中軍 陳錡 高郵人 荆州副將 刁化淳 寶應人 貴州遊擊 劉應祚

都司 泰州人 羅天工 江都人 于邁 儀徵人 泰州遊擊 吳景

乙未 盧廷簡 江都人 會元 王師 高郵人 浙州守備 繆祚 泰州人

戊戌 俞亮 江都人 林大夏 江都人 陳倣 高郵人 台州守備 朱士紳 寶應人

袁迪徽 泰州人 陸繼文 泰州人 胡應琇 寶應人 張元泰 儀徵人 夏宗

庚子 劉炎 儀徵人 邢宏勛 高郵人 胡應琇 寶應人 張元泰 儀徵人 夏宗

辛丑 謝家玉 江都人 德州衛守備 張儒可 儀徵人 張元泰 儀徵人 夏宗

康熙 甲辰 畢銳 江都人 朱旗 江都人 高策 江都人 宋世祿 高郵人 柯

昌 高郵人 馬獬 泰州人 高策 江都人 宋世祿 高郵人 柯

庚戌 阮樞忠 江都人 滁州衛守備 李瑛 江都人 俞京 江都人 吳璠 江都人

癸丑 高採 江都人 寧州營守備 曾三捷 江都人 單國統 江都人 常州遊擊 卓

爾壇 江都人 泉州營參將 李長鯨 興化人 單國統 江都人 常州遊擊 卓

丙辰 汪世福 儀徵人 李長鯨 興化人 單國統 江都人 常州遊擊 卓

選舉四

選舉四

選舉四

選舉四



巳未 王文聯 儀徵人 楊天培

壬戌 閔長寧 江都人 貴州人 周宣 江都人 廣海人 守備

乙丑 張譽 江都人 姜逢乙 江都人 歸德人 繆肇祺 泰州人 易之

戊辰 炯 泰州人 繆珏 泰州人 守備

甲戌 丁沂 江都人 湖廣人 樊大綱 江都人 福建人 王文龍 儀徵人

人 謝偉 高郵人 東莞人 金炳 高郵人 崇明人 守備

丁丑 胡琨 江都人 探花 呂怡 儀徵人 夔陵人 守備

庚辰 方為深 江都人 溫州人 守備 迮雲祥 高郵人 武昌人 守備 夏國士 高郵人 鳳州人

翔營 守備

癸未 阮匡衡 江都人 滁人 守備 宮夢熊 泰州人 侍郎 許柘齡 州人

丙戌 楊謙 儀徵人 狀元 吳廷儀 江都人 文登人 守備 楊士超 江都人

徐天鳳 泰州人 康度澄 泰州人 廣西人 守備

巳丑 仇之苞 江都人 長沙人 楊宏烈 江都人 王宗周 江都人 襄城人 守備

焦瀛 江都人 楊凱 儀徵人 鎮人 王從玉 高郵人 韓光愈 泰州人

人 探花 侍衛 宮夢元 泰州人

壬辰 焦熹 江都人 居庸人 蔣騏 江都人 廣東人 朱衣允 江都人 鄭

嵩 江都人 廣東人 高光祚 江都人 宮夢樹 泰州人 管夢鶴 江都人

人 馬邊 營守備



癸巳 李德彰 高郵人 都司 楊濂 泰州人

乙未 阮玉堂 江都人 撫標遊擊 楊琦 江都人 侍衛 姚昱 高郵人 侍衛

戊戌 方元 江都人 山營遊擊 趙嗣龍 江都人 東守備 嚴以寬 江都人 楊

辛丑 錡 江都人 鑾儀衛整儀尉 姜宗 高郵人 襄陽衛守備

癸卯 吳輝祖 高郵人 象周之松 泰州人

甲辰 張發生 江都人 侍衛 張發青 江都人 侍衛 耿蕙 江都人 張從律

庚戌 潘之震 寶應人 張大受 江都人

癸丑 張書 江都人 張坦 江都人

乾隆 楊應春 江都人

丙辰 張和 江都人

壬申 劉夢金 泰州人

甲辰 劉榮慶 泰州人 狀元

丁未 劉惟馨 泰州人

己酉 劉國慶 泰州人 狀元

嘉慶 楊大鵬 高郵人 佛

丙辰 史應麒 泰州人

己未 張金彪 江都人

壬戌 黃國瑞 泰州人 武進士

乙丑 以

重刊少府元 卷之四十二 選舉四 五



明

嘉靖 陳元吉 儀徵人 冒爵 泰州人

案陳冒二人舊志作已丑舉人考已丑無鄉科

舊志疑誤

丁酉 高懋功 江都人 喬基 江都人 蘇

壬子 高燭 江都人 李芳 興化人

戊午 王策 儀徵人 左所 朱嘉謨 儀徵人 指 白告 儀徵人

甲子 吳道行 江都人 解元南

隆慶 施家謨 江都人

庚午 丁兆熊 江都人

萬曆 王廷臣 江都人

丙子 藍應文 江都人 古養性 江都人 王階 江都人 何世英 高郵人

己卯 王廷佐 江都人 趙良儒 江都人 張成性 江都人 張應辰

壬午 尹應重 江都人 高文龍 高郵人 王受凱 高郵人 丁可壯 高郵人

乙酉 莊有 江都人 范從龍 江都人 孫有成 江都人 劉懋中 江都人

會調元 江都人 杜先登 江都人 錢林 江都人 朱希先 江都人

范棣 江都人 張人紀 江都人 奚汝嘉 江都人 趙士登 興化人

張人紀 江都人 奚汝嘉 江都人 趙士登 興化人

選舉四



戊子 方元壯 江都人 趙學禮 江都人 韓相 江都人 王承慶 江都人

彭昂 江都人 史宗和 江都人 高燁 江都人 袁應黻 興化人 解元

辛卯 陶燦 泰州人 李三省 泰州人 張應奎 江都人 張雲翼 江都人 柯應龍 高郵人

高堯臣 江都人 呂佾 高郵人 王夢禎 高郵人 彭天翔 江都人 李成芳 江都人

甲午 韓遇春 江都人 史良輔 江都人 史天翔 江都人 李成芳 江都人

丁酉 王繩初 江都人 濮敬宗 江都人 范象岡 江都人 曹儀安 江都人

庚子 劉文彬 江都人 脫隸 江都人 羅嘉美 江都人

癸卯 奚民望 江都人 倪本憲 江都人 彭承光 江都人 吳志道 江都人

丙午 楊烈 江都人 李際陽 江都人 羅光烈 江都人 張國柱 江都人

王繩堯 江都人 鞏嗣昌 江都人 王希陵 江都人 鄭仕 江都人

費從易 江都人 王廷彬 江都人 吳大用 江都人 陳兆祥 江都人

人 王夢鏡 江都人 尹之衡 江都人 萬正新 江都人 范雲龍 江都人

江都人 孔校 江都人 藍希忠 江都人 沈宗堯 江都人 趙君謨 江都人

江都人 蔣克謨 江都人 陳允功 江都人 石中球 江都人

己酉 沈攀龍 江都人 郭三槐 江都人 薛維堦 江都人 嚴必達 江都人

劉之慶 江都人 華貫斗 江都人 李天映 江都人 濮陽震 江都人

重刊揚州府志

卷之四十二

選舉四

七



江都 葛天蔭 江都 李長庚 江都 黃道明 泰州人

壬子 張應乾 江都 陳世傑 江都 倪本虹 江都 杜自芳 江都

人 孫希聖 江都 張光榮 江都 黃雲鶚 江都 梁之桃 江都

取鉞 江都 陳自新 江都 奚民悅 江都 趙君璽 江都 冷

乙卯 唐夔 江都 焦民道 江都 李京 江都 趙君璽 江都 冷

逢暄 江都 葉承武 江都 毛文耀 江都 管光泰 江都

魏公輔 泰州 張宿 高郵 符節 江都 汪欽 江都 左起 江都 汪京 江都 萬邦典

江都 王蕃錫 江都 施永祚 江都 華炯 江都 石中璞

江都 李允升 興化 張一鳳 寶應 饒志道 泰州

天啓 辛酉 焦龍文 江都 李大勇 江都 李之龍 江都 楊晉元 興化

喬可大 寶應 胡璉 泰州

甲子 蔣廷諫 江都 韓文璋 江都 濮陽頤 江都 李瑋 江都

李本達 江都 鄭建中 江都 張邦柱 江都 薛全 江都

顧玉鉉 江都 俞允勳 江都 汪穉隆 江都 王宗旦 江都

人 凌雲士 江都 趙大復 江都 桑虎 江都 陳良弼 江都

人 楊景蕃 江都 陳良知 江都 范樹勳 江都 程一鵬

江都 古道行 江都

丁卯 周于斌 江都 鮑明泰 江都 許邦傑 江都 吳傑 江都

彭以功 江都 徐宗麟 江都 吳崇傑 江都 李篤謙 江都



直隸州人

高承與儀徵人 白繪麟儀徵人 甄良棟興化人 魏元

勲泰州人 梁國珍泰州人 李主誠泰州人 祝選泰州人

崇正 庚午 杜守中江都人 吳天定江都人 杜養才江都人 董秉功儀徵人

癸酉 備人 楊逢泰儀徵人 繆啓宇泰州人 張雅量江都人 朱朝英江都人

范時成江都人 孫之烈江都人 朱邦寧江都人 時雨化江都人 馮其會

江都 賈必耀江都人 朱邦寧江都人 吳景謨高郵人 馬際

飛泰州人 王應臣泰州人 劉一誠泰州人 王翹林泰州人 夏

國良泰州人 鄭威遠泰州人 戚勲泰州人

丙子 蔣全璧江都人 朱湖遠江都人 俞璽儀徵人 黃甲儀徵人

郭宗振高郵人 張抱赤高郵人 陳經興化人 韓振愈寶應人

朱天錫泰州人 周成熙泰州人 熊長庚泰州人

己卯 婁宿儀徵人

壬午 胡永清江都人 盧廷簡江都人 馮世祿江都人 顧登陸江都人

袁進江都人 史在記江都人 盧廷襄江都人 石泰封江都人

人 卮沂江都人 蔣有龍江都人 張翮江都人 徐楷儀徵人 張

應辰儀徵人 高士迪儀徵人 張儒可儀徵人 伍桂芳儀徵人 韓

州 營哨總 李士恭儀徵人 邢宏勛高郵人 馬聖師興化人 韓

日昌寶應人 韓國士泰州人

國朝

重刊易州府志 卷之四十二 選舉四 九



順治 乙酉 士宏 江都 詹徵 高郵 吳陸文 高郵 鈕逢年 寶應

喬嘉猷 寶應 張懌 寶應 吳國弼 寶應 李奇昌 寶應

戊子 劉國祐 江都 蔡金章 江都 龍熙運 高郵 孫開圖 高郵

陳錡 高郵 陳上虞 興化 唐祥綏 興化 刁化淳 寶應

辛卯 張應麟 泰州 林翹楚 江都 劉秉忠 江都 魏朗 江都 高萬英 高郵

陳俶 高郵 姚光表 高郵 王師 高郵 宋世祿 高郵 緒

應甲 高郵 栢壽 高郵 陳鼎新 高郵 王綸 寶應 鳳

刁神 寶應 王朝俊 寶應 胡應琇 寶應 梁膚功 寶應

劉應祚 泰州 鄭威遠 泰州 王淵 泰州

甲午 李生龍 江都 謝家玉 江都 羅天工 江都 蔡英 儀徵

于邁 儀徵 張元泰 儀徵 詹京捷 高郵 詹瑛 高郵 張

文斌 興化 陸申生 興化 戴清 寶應 朱士紳 寶應 陸

如贊 寶應 潘隆瑞 寶應 羅邦政 寶應 鄭天麒 泰州

陳忠尹 泰州 繆祚 泰州 陸繼文 泰州

丁酉 林大夏 江都 程應侯 江都 俞亮 江都 尹守卿 高郵

夏宗呂 高郵 孫承謨 寶應 施世榮 寶應 文夢熊 泰州

馬之麒 泰州 袁迪徽 泰州 朱天錫 泰州 陳遐祉 泰州

庚子 高策 江都 高銘炎 江都 張敏 江都 周允敬 江都 羅



琦江都人 劉炎儀徵人 邢宏勳高郵人 金駿高郵人 柯昌高郵人

潘瑛高郵人 鮑林衛興化人 單爾熿興化人 陳可法興化人

劉國瑞泰州人 金日新泰州人 馬獬泰州人 徐爾材泰州人

儲冊金泰州人 葛單泰州人 吳繼韶 刁明訓 曹

應彪 曹履中 江虎臣 江青雷

康熙 吳瑄江都人 陳忠江都人 韓范江都人 畢銳江都人 阮樞忠

江都 溫士元江都人 俞一珍江都人 林天武江都人 佴奇

江都 猷江都人 王政熙江都人 張采江都人 朱旗江都人 趙尙賓

江都 周之德江都人 陳羽儀徵人 詹京佐高郵人 王莘高郵人

李長鯨興化人 徐睿寶應人 潘元暉寶應人 管淑寧泰州人

丙午 秦定遠泰州人 韓燦泰州人 周翰泰州人 徐周泰州人

耿魁忠江都人 李瑛江都人 吳璠江都人 蔣之幹江都人 馬

江都 蕃江都人 劉雄儀徵人 汪世福儀徵人 劉煒世儀徵人 馬澤

己酉 興化 張日昇泰州人 濟 陳宸泰州人

朱璧江都人 蔣之珍江都人 張綸江都人 朱壯猷儀徵人 王

章高郵人 吳循興化人 蔡苞泰州人 陳忠謀泰州人 戚彬泰州人

袁宏泰州人 康名傑泰州人 繆肇旦泰州人 易之炯泰州人

壬子 馬佳泰州人

高採江都人 張聯江都人 曾三捷江都人 單國統江都人 席

增光江都人 卓爾壇江都人 卞時聖江都人 楊彪江都人 惠州衛



守備 耿元忠 江都人 尹鏞 儀徵人 閔京 儀徵人

乙卯 張蓋 江都人 周宣 江都人 季象林 江都人 黃侍 江都人 傅士

成 江都人 張昌奇 江都人 薛宗聖 江都人 張元實 廣昌營人

守備 黃封 江都人 郭維嵩 江都人 朱紀 江都人 郝超 江都人 易

煒 江都人 唐怡 江都人 劉奇 儀徵人 朱大焜 儀徵人 繆肇封

都司 張日明 泰州人 袁威 泰州人 袁師 泰州人 繆肇建

泰州人 凌襄 泰州人 王大中 高郵人

戊午 謝家樹 江都人 戴聖言 江都人 陳廷棟 江都人 繆珏 江都人

張陳善 江都人 王文聯 儀徵人 朱行義 儀徵人 厲鎮 儀徵人

桂捷 儀徵人 孫承謨 寶應人 孫雲鵬 泰州人

辛酉 朱策 江都人 閔長寧 江都人 湯秉赤 江都人 林湧 江都人

阮持衡 江都人 夏宗虞 江都人 劉諫 儀徵人 賈日畿 儀徵人

張濩 儀徵人 蕭椿年 儀徵人 項岱生 高郵人 王從玉 高郵人

王士傑 高郵人 羅鑣 高郵人 許栢齡 泰州人 繆濤 泰州人

增穆 泰州人 繆肇祺 泰州人 陳廷範 泰州人

甲子 丁沂 江都人 盧文震 江都人 閻廷標 江都人 劉尙裕

江都人 高旦 江都人 閔長淮 江都人 陳其謨 江都人 張

江都人 儀徵人 馬斯臧 儀徵人 謝廷槐 儀徵人 李永芳 儀徵人 王

文龍 儀徵人 謝偉 高郵人 詹良玉 高郵人 曹震 泰州人 唐虞

泰州人 泰 孔興謨 泰州人



丁卯 焦淳 江都人 胡琨 江都人 田峻 江都人 艾銓 江都人 鄭元斌

江都人 王棟 江都人 王繼善 儀徵人 薛國樞 儀徵人 于元翊

儀徵人 馬震 儀徵人 呂怡 儀徵人 夏國士 高郵人 聊城 高郵人 徐

金炳 高郵人 姚雄 高郵人 詹玉書 高郵人 龍友駿 高郵人 徐

天鳳 泰州人 楊濂 泰州人 徐鼎鉉 泰州人 王孫驊 泰州人 劉

卜師 泰州人 俞至善 江都人 蔣德化 江都人 吳成瑚 江都人 汪起岡 江都人

厲志超 儀徵人 施世榮 寶應人 張拱 泰州人 樊大綱 江都人

癸酉 程以儼 江都人 俞洪善 江都人 劉臨地 江都人 樊大綱 江都人

蔣學龍 儀徵人 洪壽 儀徵人 潘廷徵 儀徵人 郭嘉憲 高郵人

人 康度澄 泰州人 沈紹胡 江都人 團大杲 儀徵人 沙呂韜 儀徵人 成頤 寶應人

丙午 王家鼎 江都人 方為深 江都人 阮匡衡 江都人 樊大書 江都人

人 謝逢年 江都人 劉起寅 江都人 楊士超 江都人 潘帶 江都人

杭州人 方智 江都人 汪挺 儀徵人 王文鐸 儀徵人 王世偉

衛千總 方智 江都人 汪挺 儀徵人 王文鐸 儀徵人 王世偉

儀徵人 迮雲祥 高郵人 高超 高郵人 宮夢元 泰州人 方用儀 儀徵人

士午 王宗周 江都人 楊謙 儀徵人 王世麟 儀徵人 方用儀 儀徵人

夏斌 儀徵人 劉以儀 寶應人 宮夢熊 泰州人 方用儀 儀徵人

乙酉 蔣騷 江都人 李德彰 高郵人 徐匡國 寶應人 韓光愈 泰州人



戊子 楊宏烈 江都人 仇之苞 江都人 張日偲 江都人 焦瀛 江都人

朱衣允 江都人 王大紀 江都人 高光祚 江都人 鄭嵩 儀徵人

楊凱 儀徵人 黃珽 高郵人

辛卯 羅智 江都人 焦熹 江都人 項時棟 江都人 張廷彪 儀徵人 阮

玉堂 儀徵人 胡琦 儀徵人 姜宗 高郵人 王嘉謨 興化人 陳虞

癸巳 王廷然 江都人 史遷 江都人 崔懋猷 江都人 楊彬 儀徵人 張

璞 儀徵人 姚昱 高郵人 繆肇慶 泰州人 吳志夔 泰州人

甲午 吳祁 江都人 阮應武 江都人 趙嗣龍 江都人 江旻 江都人 茅

兆徵 高郵人 唐嘉瑛 泰州人

丁酉 顧大呂 江都人 嚴以寬 江都人 焦魚 江都人 程綱 江都人 方

元 江都人 吳邠 江都人 張柯 儀徵人 王維桂 儀徵人 張廷熊

儀徵人 邢鑾 高郵人 吳致中 高郵人 陸旋天 高郵人 龍秉龍

高郵人 周道 泰州人 德陳堯 泰州人 林蕃 泰州人 姜維祺

泰州人

庚子 高懋修 江都人 阮斌 江都人 王章 江都人 巴華 江都人 方正

誼 江都人 項元 江都人 劉頤地 江都人 田世爵 高郵人 陸凌

雲 高郵人 張鎬成 泰州人

雍正 焦憬 江都人 張達九 江都人 張超 江都人 談崑 江都人 朱佩

癸卯 江都人 朱履 江都人 阮大武 江都人 汪鈞 江都人 耿蕙 江都人



李坦高郵人 李國偉高郵人 宋漣高郵人 郭鈞高郵人 周梅

高郵人 吳輝祖高郵人 劉模寶應人 潘之震寶應人 汪崑泰州人

人 焦岱泰州人 仲青巖泰州人 沈允儀泰州人 周之松泰州人

人 張斌泰州人

甲辰 張發生江都人 張從律江都人 張發青江都人 周錫履江都人

人 于品金儀徵人

丙午 耿瑋江都人 張坦江都人 阮士衡江都人 焦兆熊江都人 潘

巖江都人 潘飛江都人 喻樑儀徵人 邱珮高郵人 張凌鳳高郵人

人 徐大猷寶應人 鄒翔寶應人 張際會寶應人 李廷藩泰州人

人 李龍光泰州人 陳球泰州人

己酉 胡暲江都人 胡綱江都人 盧馭江都人 趙嗣夔江都人 陶傑

高郵人 郭之銘高郵人 郭鋒高郵人 喬尹寶應人 盧夢蓮寶應人

人 李廷蔚泰州人

壬子 朱召南江都人 張書江都人 王朝璉江都人 吳震江都人 楊

應春江都人 王湛江都人 陳汝渠江都人 洪訓儀徵人 姜永

祺高郵人 劉耀寶應人 吳崑寶應人

乙卯 元承謨江都人 劉永清江都人 焦綸儀徵人 吳從龍江都人

印清高郵人 李國俊高郵人 謝文林高郵人 孫繩武高郵人

繆大經泰州人

乾隆 張鳴九江都人 趙嗣鵬江都人 薛之佐江都人 厲靖儀徵人



真州府志 卷之四十一  
鮑文直儀徵人 許璘儀徵人 葉露沁高郵人 郭鈴高郵人 曹

世楷高郵人 眞文敏儀徵人 劉承毅儀徵人 翟宣泰州人 喬樹芳泰州人

戊午 吳江泰州人 王鋼高郵人 吳兆龍高郵人 田俊泰州人 周南泰州人

辛酉 張和江都人 劉承泰儀徵人 江嘉祐儀徵人 程璉寶應人 朱

傑泰州人 姜正綱泰州人 丁卯 楊春發 郭進 戴葆山儀徵人 胡掄元高郵人 劉夢

庚午 吳炳 王廷標 張珍 王之佐儀徵人 王起龍高郵人 金泰州人 劉夢鰲泰州人

壬申 楊景儀徵人 袁衛守備 李士基高郵人 李棠泰州人 袁奏凱泰州人

癸酉 郭履廷高郵人 郭廷芝高郵人 李寧泰州人 李義上泰州人 鄒廷柱泰州人 姜鳳鼎泰州人

丙子 郭永遐 郭縉高郵人 耿毓瑜寶應人 王廷綬泰州人 蔣之德 吳雲龍儀徵人 王瑤儀徵人 郭龍春高郵人

已卯 蘭高郵人 楊澐 朱鶴臯 方一魁

庚辰 徐義安儀徵人



戊子 張璐 姜山靖 泰州人 黃壯 泰州人

庚寅 陳裕祖 儀徵人 王紫綬 泰州人 譚斌 泰州人

辛卯 許瓏 邢天桂 高郵人 戈璨 泰州人 丁桂 泰州人

甲午 張攀桂 陸韶 徐山俊 厲長年 儀徵人 韓大鵬

丁酉 儀徵人壽林發 泰州人 州營把總

嚴衛千總 劉惟慶 泰州人

己亥 熊瑤 李鵬年 儀徵人 歸德營千總 吳振鵬 儀徵人 王治平 泰州人

庚子 李發園 泰州人 劉榮慶 泰州人

癸卯 嚴步賢 劉惟馨 泰州人

丙午 許和 夏桐 儀徵人 方鵬 儀徵人 劉佩馨 泰州人 劉國慶

泰州人

戊申 徐振邦 黃正邦 儀徵人

己酉 黃國柱 泰州人

壬子 王文元 錢錦華 儀徵人 溧陽千總 朱秩 寶應人

甲寅 姜金鏢 高郵人 姜標 高郵人 楊大鵬 高郵人 周登鰲

乙卯 楊定邦 高郵人 郭聯慶 高郵人 尤欣 泰州人 李震平 泰州人

嘉慶 朱彬 張金彪 范覺勳 寶應人 史應麒 泰州人

庚申 董耀華 單國慶 泰州人 葉金門 泰州人 李華國 泰州人

辛酉 于樞 章味棠 泰州人 黃國瑞 泰州人



甲子 李暢泰州人 李悅泰州人

丁卯 李增瑞泰州人

戊辰 錢凱 劉元慶 孫大崗高郵人 凌慶雲泰州人  
以上武舉

重修揚州府志卷之四十二

重修揚州府志卷之四十三

宦蹟志一

漢

鄭當時字莊陳人武帝立為江都相至九卿為大農令  
以事陷罪頃之守長史為汝南太守廉內行修絮及卒  
家無餘財史記一百二十

董仲舒廣川人武帝即位以賢良對策為江都相事易  
王王帝兄素驕好勇仲舒以禮誼匡正王敬重焉久之  
王問仲舒曰粵王句踐與大夫泄庸種蠡謀伐吳滅之  
孔子稱殷有三仁寡人亦以為粵有三仁仲舒對曰粵



本無一仁夫仁者正其誼不謀其利明其道不計其功是以仲尼之門五尺之童羞稱五霸為其先詐力後仁誼也王曰善仲舒治國以春秋災異推陰陽所以錯行故求雨閉諸陽縱諸陰其止雨反是行之一國未嘗不得所欲

漢書五十六

馬稜字伯威章和元年遷廣陵太守時穀貴民饑奏罷鹽官以利百姓賑貧羸薄賦稅興復陂湖溉田二萬餘

頃吏民刻石頌之

後漢書五十四具馬援傳

案稜扶風茂陵人東觀記曰稜在廣陵蝗

蟲入江海化為魚蝦與復陂湖歲增租十餘萬斛見本傳注

陸稠字伯羸為廣陵太守姦吏斂手廣陵諺曰解結埋

煩我國陸君

太平御覽四百九十六引吳錄陸續子會稽吳人見後漢書獨行傳

案稠

張綱字文紀漢安元年遣八使巡行風俗綱年少官次最微餘人受命之部綱獨埋車輪於洛陽都亭曰豺狼當路安問狐狸遂奏大將軍冀河陽尹不疑十五事京師震竦時廣陵賊張嬰等眾數萬人寇亂揚徐閒積十餘年不能討冀乃諷尚書以綱為廣陵太守因欲以事中之綱單車之職將吏卒十餘人徑造嬰壘示利害嬰深感悟明日率所部與妻子面縛歸降綱散遣部眾任從所之親為卜居宅相田疇人情悅服在郡一年卒百姓老幼相攜赴哀者不可勝數自被疾吏人咸為祠祀



祈福皆言千秋萬歲何時復見此君嬰等五百餘人制

服行喪送到健為負土成墳詔拜綱子續為郎中賜錢

百萬後漢書八十六 案綱健為武陽人具張皓傳舊志作蜀健為人考郡國志蜀健為各自為郡合稱

謝弼字輔宣東郡武陽人中直方正為鄉邑宗師建寧

三年詔舉有道弼與東海陳敦元菟公孫度俱對策除

郎中出為廣陵府丞去官歸家後漢書八十七 謝承書曰弼字輔鸞東郡濮

陽人與此不同見本傳注

荀曇字元智為廣陵太守正身疾惡志除閹宦其支黨

賓客有在郡者織罪必誅後漢書九十二 案曇

趙苞字威豪甘陵東武城人初仕州郡舉孝廉再遷廣

陵令視事三年政教清明郡表其狀遷遼西太守後漢書一

百十

趙昱高潔廉正抱禮而立清英儼恪莫干其志旌善以

興化彈邪以矯俗徐州牧陶謙舉茂才遷廣陵太守賊

笮融從臨淮見討迸入郡界昱將兵拒戰敗績見害三國

志八陶謙傳注引謝承漢書 又王朗傳云朗與昱說謙曰求諸侯莫如勤王謙乃遣昱奉章至長安天子嘉

其意拜謙安東將軍以昱為廣陵太守 案昱字元達琅邪人具後漢書陶謙傳又云笮融走廣陵太守趙昱

待以賓禮融利廣陵貨貨遂乘酒酣殺昱放兵大掠與此不同

陳登字元龍為廣陵太守明審賞罰威信宣布海賊薛



州之羣萬有餘戶束手歸命未及期年功化已就遷東

城太守廣陵吏民佩其恩德共拔郡隨登老弱襁負而

追之事見三國志七呂布傳及注引先賢行狀案登

郡時以休暇行城之西二十里濬源為塘萬曆志云登在

張冀字仲宗豫章人為廣陵太守舉孝子吳奉為孝廉

奉齋金為禮冀閉門不受奉以囊盛金夜投冀園中而

逝冀追不及齋金至廣陵還奉唐類函六十六引謝承

百十引作張載舊志所本太平御覽八

張冀不知何時人今次漢末又舊志有鄒陽枚乘張

超今並詳事畧志

三國

孫韶字公禮本姓俞吳人為廣陵太守善養士卒得其

死力常以警疆場遠斥埃為務先知動靜而為之備故

鮮有負敗青徐汝沛頗來歸附淮南濱江屯候皆徹兵

遠徙徐泗江淮之地不居者各數百里三國志五十一

晉

卞壺字望之濟陰冤句人弱冠有名譽永嘉中依徐州

刺史裴盾盾以壺行廣陵相累拜光祿大夫加散騎常

侍蘇峻稱兵燒宮寺壺力疾率眾苦戰死之二子珍玠

同時見害贈侍中驃騎將軍開府儀同三司諡忠貞晉書



十七

袁瓌字山甫陳郡陽夏人與弟猷奉母避亂求為江淮  
閒縣拜呂令轉江都中興時為鎮南將軍自解還都蘇  
峻之難與王舒共起義兵封長合鄉侯

晉書八十三  
案猷字申甫代

瓌為呂令復相繼為江都見本  
卷舊志秩官表瓌譌作環

孔衍字舒元魯人孔子二十二世孫避地江東經學深  
博練識舊典元明二帝並親愛之王敦出衍為廣陵郡  
鄰接西賊教誘後進不以戎務廢業石勒嘗騎至山陽  
敕其黨以衍儒雅士不得妄入郡境

晉書九十一

徐寧東海鄉人少知名為輿縣令廷尉桓彝去職至廣  
陵遇風停浦中累日憂悒因上岸見一室宇有似解署  
訪之云是輿縣彝乃造之寧清惠博涉相遇欣然因畱  
數夕彝大賞之結交而別至都謂庾亮曰吾為卿得一

佳吏部郎即遷吏部郎左將軍江州刺史

晉書七十四  
桓彝傳云

寧字安期通朗博涉先是庾亮每屬彝覓一佳吏部及  
至都謂亮曰人所應有不必有人所應無不必無徐寧  
真海岱清士見本卷

褚裒字季野少簡貴有盛名桓彝謝安雅重之蘇峻構  
逆裒鑒以裒為參軍峻平封都鄉亭侯康帝時為左將  
軍兗州刺史後除征討大都督青揚徐兗豫五州諸軍

事

晉書九十三  
案裒河  
南陽翟人具后妃傳



荀羨字令則為征北將軍褚裒長史除北中郎將徐州刺史監徐兗二州揚州之晉陵諸軍事假節羨在事有能名故居以重任羨至鎮發二州兵使參軍鄭襲戍淮陰尋北鎮淮陰屯田於東陽之石鼈尋加監青州諸軍事又領兗州刺史

晉書七十五 案羨穎川臨潁人具荀崧傳

王舒字處明褚裒鎮廣陵以舒為車騎司馬頻領望府咸稱明練裒薨遂代裒鎮除北中郎將監青徐二州軍事

晉書七十六 案舒琅邪臨沂人具王祥傳

王坦之字文度桓溫薨與謝安共輔幼主遷中書令領丹陽尹授都督徐兗青三州諸軍事北中郎將徐兗

州刺史鎮廣陵卒臨終與謝安相沖書言不及私惟憂國家之事朝野甚痛惜之

晉書七十五 案坦之太原晉陽人具王渾傳

謝安字安石累拜侍中都督揚豫徐兗青五州幽州之燕國諸軍事苻堅彊盛疆場多虞安遣弟石及兄子元等應機征討所在克捷封建昌縣公進拜太保會稽王道子專權安出鎮廣陵之步邱築壘曰新城以避之又築埭於城北後人追思之名為召伯埭

晉書七十九 案安陳國陽夏人具謝鯤傳

雍正志云時城北湖水每漲輒沒民田安築平水埭隨時蓄洩歲用豐稔

毛璩字叔連為鎮北將軍譙王恬司馬海陵縣界地名青蒲四面湖澤皆是菰葑逃亡所聚威令不能及璩建



議率千人討之時大旱璩因放火菰葑盡然亡戶窘迫

悉出詣璩自首近有萬戶皆以補兵朝廷嘉之晉書八十一

案璩榮陽陽武人具毛寶傳

蔡濟為興縣令時大旱濟乃剝臂然香率眾懇禱甘澍

隨降一邑霑足萬厯江都志

蔡濟不知何時人今次晉末又舊志有郗鑒謝元今

並詳事畧志又有江都令周玘平石冰之亂考惠帝

紀云揚州秀才周玘又玘傳云舉秀才除議郎無令

江都事今亦移入事畧

宋

陸子真元嘉中為海陵太守時中書舍人秋當親幸家

在海陵假還葬父子真不與相聞當請發民治橋又以

妨農不許彭城王義康聞而賞焉南齊書四十六案

慧曉傳又案秋當宋書本傳亦同

惟宋書張茂度傳作狄當未知孰是劉義慶元嘉十七年都督南兖徐兗青冀幽六州諸軍

事南兖州刺史性簡素寡嗜欲愛好文義才調雖不多

然足為宗室之表受任歷藩無浮淫之過招聚文學之

士近遠必至宋書五十一案義慶

宋宗室具劉道規傳徐湛之字孝源東海郟人元嘉二十四年為前軍將軍

南兖州刺史善於為政威惠並行廣陵城舊有高樓湛



之更加修整南望鍾山城北有陂澤水物豐盛湛之更起風亭月觀吹臺琴室果竹繁茂花藥成行招集文士盡游玩之適一時之盛也

宋書七十一

張岱字景山吳郡吳人臨海王為廣州豫章王為揚州晉安王為南兖州岱歷三府諮議三王行事與典籤主帥共事事舉而情得或謂岱云何致此岱曰古人言一心可事百君我為政端平待物以禮悔吝之事無由而及明闇短長更是才用之多少耳入為黃門郎遷驃騎

長史領廣陵太守

南齊書三十二

劉善明泰始時為海陵太守郡境邊海無樹木善明課人種榆檟雜果遂獲其利

南史四十九平原人具劉懷珍傳

蕭映字宣光齊高帝子仕宋位南兖州刺史畱心吏事

自下莫不肅然令行禁止

南史四十三

舊志有沈慶之賀弼今並詳事畧志

### 南齊

蕭子良字雲英武帝子封竟陵郡王南徐州刺史加都督永明二年為護軍將軍兼司徒四年進車騎將軍子良少有清尚禮才好士居不疑之地傾意賓客天下才學皆游集焉是時上新視政水旱不時子良密請原除逋租又陳寬刑息役輕賦省徭並陳泉鑄歲遠類多翦



鑿公家所受必須輪郭小人每嬰困苦且錢布相半為

制永久或聞長宰須令輸直進違舊科退容姦利五年

正位司徒給班劍二十人南史四十四南齊書本傳云世祖即位封竟陵郡王使

持節都督南徐兗二州諸軍事鎮北將軍南徐州刺史

永明元年徙為侍中都督南兗徐青冀五州征北將軍南兗州刺史持節如故南史

文不備以齊書文太繁故錄此

顧憲之字士思性清直行南豫南兗二州事籤典諮事

未嘗與色動遵法制歷黃門吏部郎南齊書四十六案憲之吳郡人具

陸慧曉傳南史本傳云憲之累經

宰郡資無儋石及歸環堵不免饑寒

裴昭明河東聞喜人少傳儒史之業建武初為廣陵太

守明帝以無所啟奏代還責之昭明日臣不欲競執關

鍵故耳昭明歷郡皆有勤績常謂人曰人生何事須聚

畜一身之外亦復何須子孫若不才我聚彼散若能自

立則不如一經故終身不治產業南齊書五十三

沈憲字彥璋吳興武康人少有幹局長於吏事居官有

績為晉安王後軍長史廣陵太守西陽王子明代為南

兗州憲仍畱為冠軍長史太守如故頻行州府事當世

稱為良吏南齊書五十三

陸慧曉字叔明吳郡吳人清介正立不雜交游張緒稱

之曰江東裴樂也為南兗州刺史卒贈太常南史四十八

梁



蕭景字子照梁武帝從弟武帝起兵以景行南兖州事  
時天下未定河北兗楚各據塢壁景示以威信渠帥相  
率面縛請罪旬日境內皆平武帝踐阼封吳平縣侯南  
兖州刺史加都督景居州清恪有威裁明解吏職文案  
無擁下不敢欺吏人敬畏如神會年荒計口振恤又為  
餽粥於路以賦之死者給棺具人甚賴焉南史五十一

蕭憺字僧達太祖子為荊州刺史封始興郡王徵還朝  
民為之歌曰始興王民之爹赴人急如水火何時復來  
乳哺我尋出為使持節散騎常侍都督南北兖徐青冀  
五州諸軍事鎮北將軍南兖州刺史梁書二十一

蕭業字靜曠歷位侍中都督南兖州刺史運私邸米餽  
人作甓以砌城武帝善之性敦篤所在留意當從梁書作惠普  
通四年為侍中金紫光祿大夫南史五十一 案業梁宗室具本卷梁書武帝

紀作深業蓋本名淵業以避唐諱或省或改也  
蕭藻字靖藝少立名行志操清潔天監十二年使持節

都督南兖徐青冀五州諸軍事民吏稱之推善下人

常如弗及梁書二十三 案藻蕭業弟武帝紀作深藻

蕭績字世謹武帝子天監十七年為都督南兖州刺史  
在州以善政稱尋有詔徵還百姓曹樂等三百七十人  
詣闕上表稱績尤異一十五條乞畱州任優詔許之南史



五十三 案梁書木  
傳曹樂作曹嘉樂

舊志有霍雋祖皓今並詳事畧志

北齊

辛術字懷哲武定八年侯景叛除東南道行臺尚書封  
江夏縣男與高岳等破景擒蕭明遷東徐州刺史為淮  
南經畧使及王僧辯破景術招攜安撫相繼款附前後  
二十餘州於是移鎮廣陵尋徵為殿中尚書術清儉寡  
嗜慾勤於所職未嘗暫懈臨軍以威嚴牧人有惠政少  
愛文史晚更修學雖在戎旅手不釋卷 北齊書三十八  
案術隴西狄

道人見北  
史辛惟傳

隋

張暉字士鴻河間鄭人晉王廣為揚州總管授暉司馬  
性和厚有識度甚有當時譽後拜冀州刺史吏民悅服  
稱為良二千石 隋書四  
十六  
薛孺清貞孤介不交流俗開皇中為侍御史揚州總管  
司功參軍每以方直自處府寮多不便之轉清陽令襄  
城郡掾卒官所經並有惠政 隋書五十七  
案孺河  
東汾陰人具薛道衡傳  
辛公義隴西狄道人仁壽元年充揚州道黜陟大使豫  
章王諫恐其部內官寮犯法未入州境預令屬公義公  
義答曰奉詔不敢有私及至揚州皆無所縱捨諫銜之



煬帝即位揚州長史王宏入為黃門侍郎因言公義之短竟去官吏人守闕訴冤相繼不絕隋書七十三

張虔威字元敬清河東武城人與張衡俱見重晉邸稱

二張煬帝即位拜謁者大夫從幸江都以本官攝江都

贊治稱為幹理于時帝數巡幸百姓疲弊虔威上封事

以諫自此見疎未幾卒官隋書六十六案虔威北史作乾威贊治避改作贊務

舊志有馮慈明今詳事畧志又沈光乃煬帝從官非

宦於揚者今亦移入事畧又舊志引晏溪志云賀若

弼為吳州總管與史萬歲韓擒虎同帥兵至海陵征

捕海寇八千人郡人立祠忠義河側考隋書無海陵

寇亂之事史萬歲亦未嘗與韓賀同將疑傳說之謬

今姑存此俟考

唐

李襲譽字茂實通敏有識度高祖定長安授太府少卿

累擢揚州大都督府長史揚州江吳大都會俗喜商賈

不事農襲譽為引雷陂水築句城塘溉田八百頃以盡

地利民多歸本召為大府卿為人嚴慤以威肅聞居家

儉厚於宗親祿稟隨多少散之以餘資寫書罷揚州書

遂數車載新唐書九十一案襲譽金州安康人具李襲志傳

長孫操字元節檢校虞州刺史徙陝州以母喪解長老



守闕頌遺愛服除為齊揚益三州刺史課皆最下詔褒

揚新唐書一百五案操河南洛陽人具后妃傳又

府長史並有善政與此小異

李素立趙州高邑人武德初擢監察御史民犯法不及

死高祖欲殺之素立諫曰三尺法天下所共有一動搖

則人無以措手足方大業經始奈何輦轂下先棄刑書

乎帝嘉納由是恩顧特異貞觀中轉揚州大都督府司

馬新唐書一百九十七

李君球齊州平陵人累遷揚州大都督府長史政尚嚴

肅人吏憚之盜賊屏跡高宗頌降書勞勉舊唐書一

婁師德字宗仁鄭州原武人第進士調江都尉揚州長

史盧承業異之曰子台輔器也後封譙縣子卒贈幽州

都督師德深沈有度量為將相三十年恭勤樸忠心無

適莫以長者稱新唐書一百八

韋湊字彥宗京兆萬年人遷揚州法曹州人孟神爽罷

仁壽令豪縱數犯法交通貴戚吏莫敢繩湊按治杖殺

之遠近稱伏新唐書一百十八

蘇瓌字昌容京兆武功人長安中累遷揚州大都督府

長史揚州地當衝要多富商大賈珠翠珍怪之產前長

史皆致之數萬唯瓌挺身而去舊唐書八十八



韋安石京兆萬年人性持重少言笑為政清嚴所在人吏咸畏憚之長安四年為揚州大都督府長史舊唐書九十二

韋虛心舉孝廉為官嚴整累遷兵部侍郎荆揚潞長史

兼採訪使所在官吏振肅威令甚舉中外以為標準舊唐書

書一百一案虛心京兆萬年人具韋湊傳又新書本傳云虛心字無逸卒贈揚州大都督

姚崇字元之陝州硤石人睿宗時為申州刺史再轉揚

州長史淮南按察使為政簡肅人吏立碑紀德後除太

子少保薨贈揚州大都督謚文獻舊唐書九十六

陸象先舉制科高第為揚州參軍累進同中書門下平

章事嘗曰天下本無事庸人擾之為煩耳第澄其源何

憂不簡耶故所至民吏懷之為戶部尚書母喪免起為

揚州大都督府長史新唐書一百十六案象先蘇州吳人具陸元方傳

李傑相州滏陽人明敏有吏才甚得時譽以護橋陵作

引侍御王旭為判官旭貪冒傑將繩之而不得其實反

為所搆出為衢州刺史轉揚州大都督府長史舊唐書一百

元行沖傳云四遷大理卿時揚州長史李傑為王旭所陷詔下大理結罪行沖以傑歷政清真不宜枉為讒邪

所構奏請從輕條出之

王志愔博州聊城人為揚州大都督府長史充本道按

察使所在令行禁止姦猾屏迹境內肅然舊唐書一百

李尚隱其先出趙郡徙萬年尚隱性剛亮論議皆披心



示誠處事分明御下不苛密累進戶部尚書更揚州刺

史新唐書一百三十

李愷并州文水人天寶初遷廣陵長史民為立祠賽祝

歲時不絕新唐書一百九十一

第五琦京兆長安人有吏才賀蘭進明遷北海太守奏

為錄事參軍令奏事至蜀中得謁見言兵之強弱在賦

賦所出江淮居多元宗即日拜監察御史勾當江淮租

庸使加山南等五道度支使遷司金郎中兼御史中丞

使如故於是創立鹽法百姓除租庸外無得橫賦人不

益稅而用以饒舊唐書一百二十三 案新書本傳云

見元宗據通鑑琦先入蜀見元宗授江淮租庸使後復至彭原見肅宗新書誤合為一事官階亦有小異

崔圓字有裕貝州武城人徙淮南節度使在鎮六年請

朝京師吏民乞畱詔檢校尚書右僕射還之新唐書一百四十四

李華淮南節度使崔公頌德政碑云獻章請朝帝恩降允公不候駕建旆將馳耆老泣訴吏人遮道即日詣闕乞畱者三百餘人

李承趙郡高邑人充淮南節度使崔圓判官歷吏部郎

中尋為淮南西道黜陟使奏於楚州置常豐堰以禦海

潮屯田瘠鹵歲收十倍至今受其利承少有雅望以貞

廉才術見稱於時舊唐書一百十五 案承李翁子新舊書皆同宋史河渠志作李承實興

化志又作李承式並誤



李峴樂善下士少有吏幹以門蔭入仕所在皆著聲績天寶十三載以京兆尹出為長沙太守時京師米麥踊貴百姓謠曰欲得米粟賤無過追李峴其為政得人心如此代宗即位知江淮選補使入為禮部尚書拜黃門

侍郎同中書門下平章事舊唐書一百十二 峴吳王恪孫具李峴傳

劉晏廣德二年領東都河南淮西江南東西轉運租庸鹽鐵使晏即鹽利雇傭分吏督之隨江汴河渭所宜故時轉運船由潤州陸運至揚子斗米費錢十九晏命囊米而載以舟減錢十五由揚州距河陰斗米費錢百二十晏為歇腥支江船二千艘每船受千斛十船為綱每綱三百人篙工五十自揚州遣將部送至河陰上三門

號上門填闕船米斗減錢九十調巴蜀襄漢麻枲竹篠為絢挽舟以朽索腐材代薪物無棄者未十年人人習河險歲轉粟百一十萬石無升斗溺者輕貨自揚子至汴州每馱費錢二千二百減九百歲省十餘萬緡新唐書五

十三食貨志 案晏字士安曹州南華人具本傳 雍正志云晏始於揚子造轉運船每一船破錢千貫或議其妄費晏曰大國不可以小道理凡所創造須謀經久迺於揚子縣置十船場差專知官十人不數年間皆致富贍凡五十餘年船無破敗餽運亦不闕絕晏理鹽鐵惟置官於出鹽之鄉取鹽戶所煮鹽鬻於商任其所之不出鹽州縣不復置官日官多則民擾其始江淮鹽利不過四十萬緡季年六百餘萬緡末年更逾十倍而人不厭苦古今稱善理財獨歸晏云



杜佑字君卿京兆萬年人韋元甫徙淮南表置幕府入  
為工部郎中充江淮青苗使盧杞當國以尚書右丞出  
為淮南節度使決雷陂以廣灌溉斥海瀕棄地為田積  
米至五十萬斛列營三十區士馬整飭四鄰畏之新唐書一  
百六十六 又作孫牧為牛僧孺淮南節度府掌書記不護細行而文采可觀附錄於此

張延賞大厯時為淮南節度使歲旱民它遷吏禁之延  
賞曰食者人恃以活拘此而斃不如適彼而生苟存吾  
人何限為乃具舟遣之敕吏為修室廬已逋債而歸者  
更增於舊瓜步舟艫津湊而遙繫江南延賞請度屬揚  
州自是行無稽壅新唐書一百二十七 案延賞蒲州蔚氏人具張嘉貞傳

李吉甫字宏憲為淮南節度使居三歲奏蠲逋租數百  
萬築富人固本二塘溉田且萬頃漕渠庫下不能居水  
乃築隄闕以防不足洩有餘名曰平津堰江淮早有司  
不為請吉甫白以時救恤帝馳道使分遣賑貸吉甫雖  
居外每朝廷得失輒以聞卒贈司空諡忠懿新唐書一百四十六

案吉甫趙人具李栖筠傳

孔戡方嚴有家法重然諾尚忠義李吉甫鎮揚州召為

賓佐舊唐書一百五十四 案戡冀州人具孔巢父傳

崔戎字可大舉明經辟淮南李鄜府衛次公代鄜憲宗  
稱戎才故次公倚成於職新唐書一百五十九 案戎博陵安平人具崔元暉傳



衛次公字從周河東人弱冠舉進士以尚書左丞出為淮南節度使檢校工部尚書兼揚州大都督府長史卒贈太子少保次公自少入仕歷大僚節操趨尚始終如一為眾推重

舊唐書一百五十九

李夷簡字易之鄭王元懿四世孫元和十三年為門下侍郎同中書門下平章事李師道叛裴度當國帝倚以平賊夷簡自謂才不能過度乃求外遷為淮南節度使夷簡致位顯處以直自閑歷三鎮家無產貲世謂行已能有終始者

新唐書卷一百三十一

韋宏景京兆人李夷簡鎮淮南奏為副使賜金紫入為京兆少尹宏景歷官行事始終以直道自立議論操持無所阿附當時風教尤為倚賴自長慶以來目為名卿

舊唐書一百五十七

崔從太和四年拜檢校左僕射兼揚州大都督府長史充淮南節度副大使知節度事揚州舊有貨麴之利資產奴婢交易者皆有質率羊有口算每歲收利以給用從悉除之舊制官吏祿俸有布帛加估之給節度使獨不在此例從至一例估折給之六年十月卒於鎮

舊唐書

百七十七 案舊書崔慎由傳云清河武城人父從新書崔融傳云齊州全節大曾孫從字子又當更遷徙故有不同 又案新書云官吏俸帛常加倍以給獨節度使則否從皆與之同太和六年卒下有割股肉以祭者



加倍字  
疑有誤

李德裕字文饒趙郡人所歷征鎮以政績聞開成二年授揚州大都督府長史淮南節度副大使知節度事五年授門下侍郎同平章事

舊唐書一百七十四

李紳字公垂潤州人為宣武節度使蝗不入境武宗即位徙淮南召拜中書侍郎同平章事進右僕射門下侍郎四年復節度淮南卒諡文肅紳以文藝節操見用而屢為怨仇所報卻卒能自伸其才以名位終

新唐書一百八十一

杜棕字永裕會昌初為淮南節度使武宗詔揚州監軍取倡家女進禁中監軍請棕同選又欲閱良家有姿相

者棕曰吾不奉詔而輒與罪也監軍怒表於帝帝以棕

有大臣體乃詔罷所進伎

新唐書一百六十六 案棕杜佑孫舊志引南畿志作佑

子誤 又案新書云棕復鎮淮南荒

李讓夷字達心系本隴西宣宗立拜淮南節度使卒贈司徒讓夷廉介不妄交位雖顯劇以儉約自將為世咨

美 新唐書一百八十一

李珣字待價其先出趙郡客居淮陰為檢校尚書右僕射淮南節度使江淮旱發倉廩賑流民以軍儲羨殺半價與人卒贈司空疾亟官屬見臥內惟以州有稅酒直而神策軍常為豪商占利方論奏未見報為恨一不及



家事性寡欲門無餽餉淮南人德之叩闕願立碑刻其

遺愛新唐書一百八十二

崔鉉字台碩宣宗時為淮南節度使帝餞太液亭賜詩

寵之居九年條教一下無復改民以順賴新唐書一百六十六案鉉

博州人具崔元畧傳

康令失其名咸通中為江陽令時大旱令以身代犧牲

赴水死天即大雨民悲懷之為立康令祠雍正志事見新書地理志

李蔚字茂休隴西人咸通十四年轉揚州大都督府長

史淮南節度副大使知節度事乾符三年受代百姓詣

闕乞畱一年從之舊唐書一百七十八

高勗舒城人楊行密起淮南辟掌書記時軍興事繁用

度不足行密欲以茶鹽易民布帛勗諫曰兵火之餘十

室九空又漁利以困之將復離叛不若盡我所有易鄰

道所無足以給軍選賢守令勸課農桑數年之間倉廩

自實太祖從之田頔聞之曰仁人之言其利溥矣事見十國

春秋五

舊志有杜亞唐書譏其奢縱虛誕今刪惟地理志載

引陂溉田一節已詳河渠志又杜牧今附杜佑下

### 五代

向拱字星民懷州河內人周顯德二年世宗親征淮南



召赴行在拜淮南節度使時周師久駐淮揚都將趙晁等驕恣橫暴至有劫人妻女者拱至戮不奉法數輩軍中肅然周師圍壽春經年未下江淮草寇充斥吳援兵柵於紫金山與城中烽火相應而舒蘄和泰復為吳人所據拱上言欲且徙揚州之師併力攻壽春俟城下改圖進取世宗從之拱乃封庫付揚州主者復遣牙將分部按巡城中秋毫無犯軍民感悅及師行吳人有負糗糧以送者

宋史二百五十五 案拱初名訓五代史作向訓

朱昂字舉之其先京兆人後徙衡山周世宗南征韓令坤統兵至揚州昂謁見陳治亂方畧令坤奇之署權知

揚州揚州縣適兵革之際逃亡過半昂便宜綏輯復通

亡者七千餘家令坤即表授本縣令

宋史四百三十九 案曾鞏隆平集

作知永正縣

荆罕儒冀州信都人周顯德初領泰州刺史世宗幸泰州以罕儒為團練使賜金帶銀器鞍勒馬六年春軍吏耆艾詣闕請畱恭帝詔褒之

宋史二百七十二

舊志有韓令坤李重進今詳事畧志又褚仁規馬令南唐書言其培克不已多入私門刑罰滋暴加以奢縱不當入名宦今刪

宋



李處耘潞州上黨人太祖討李重進為行營兵馬都監賊平以處耘知揚州大兵之後境內凋弊處耘勤於綏撫奏減城中居民屋稅民皆悅服建隆三年詔歸京師老幼遮道涕泣累日不得去

宋史二百五十七 案處耘字正元見東都事畧本傳 隆平集云處耘知揚州有善政 議度詳敏論事造理以功名自任

侯贊并州太原人開寶中歷知建安軍揚州皆有善政

宋史二百七十四

喬維岳字伯周陳州南頓人開寶中知高郵軍通判揚州太平興國三年為泉州通判歸朝為淮南轉運副使進為使建安北至淮蒞總五堰運舟所至十經上下重

載皆卸糧過舟時壞失糧綱卒緣為姦潛有侵盜維岳

始勅二斗門於西河第三堰二門相距踰五十步覆以

厦屋設縣門積水俟潮平乃泄之建橫橋岸上築土累

石以牢其址自是弊盡革而運舟往來無滯

宋史二百七

周渭字得臣昭州恭城人開寶六年知揚州歷益州轉

運使黜為彰信軍節度副使真宗聞其清節召還將復

用詔下而卒上閔其貧不克葬賻錢十萬以其子建中

為乘氏主簿

宋史二百四

張觀字仲賓常州毘陵人為諸路茶鹽制置副使疏言

茶鹽不合旨改知黃州遷揚州皆有善政觀好論事辭



理切直有古人之風

宋史二百七十六

許逖字景山歙州人知海陵監用最遷大理寺丞歷司封員外郎知揚州州居南方之會仕宦寓家者多子弟往往倚權貴爲不法逖捕其甚者笞之乃愧悔稍就學問爲善人風俗大化

事見歐陽文忠公集

劉綜字居正河中虞鄉人知建安軍先是天長軍及揚州六合縣民輸賦非便綜奏請降天長軍爲縣隸揚州以六合縣隸建安軍自是民力均濟綜彊敏有吏材所至抑挫豪右振舉文法時稱幹治

宋史二百七十七

唐肅字叔元杭州錢塘人徙泰州司戶參軍有商人寓

逆旅而同宿者殺人亡去商人夜聞聲往視血沾衣爲

捕吏所執州趣具獄肅探知其冤持之後數日得殺人

者後守雷有終就辟爲觀察推官

宋史三百三

王化基字永圖鎮定人知嵐州改淮南節度判官入爲著作郎遷權御史中丞嘗慕范滂爲人獻澄清畧言時事有五其四省冗官曰古人建官初不必備惟其人國家設官實倍常數欲盡籠天下之利而民物轉加凋敝二十年前江淮諸郡揚楚最居要衝務穰事眾地廣民繁然止設知州一人署領官事其餘通判推官及州官等悉皆分筦權務倉庫當時事無不集兼少獄訟其後



十年臣任揚州時朝廷添置監臨使臣等職實踰本州官數諸州冗員似此非一今以朝官諸色使臣及縣令簿尉等高卑相折而計之一人月費不啻十千以千人約之歲計用十餘萬千更倍萬約之萬又過倍使皆廉吏止靡公帑或貪夫參錯其間則取於民者又加倍焉望委各路轉運使副與知州同議裁減若可兼者兼之則冗官汰矣書奏太宗嘉納之至道三年拜參知政事咸平四年以工部尚書罷知揚州

宋史二百六十六

胡令儀陳畱人淳化至道間以大理評事令海陵法無假貸吏民憚之天聖中任發運使先是范仲淹請築捍

海堰甫役會大雨雪驚濤洶湧役夫有旋濤而死者謹

言堰不可成朝廷以令儀曾令海陵命為淮南轉運使

按役之可否令儀力主仲淹議不可奪堰卒成民至今

利之州人於張范祠增祀令儀為三賢祠

泰州志

王子輿字希孟密州莒人淳化中為江浙荆湖茶鹽制置使判官改江淮兩浙制置茶鹽咸平三年充淮南轉運使子輿精於吏事久掌茶鹽漕運周知利害裁量經制公私便之所至郡縣以公事申請者文牒紛委頃刻待報子輿皆即決遣曾無疑滯

宋史二百七十七

王禹偁字元之濟州鉅野人至道元年為翰林學士罷



知滁州移知揚州真宗即位求直言禹偁上疏言五事  
召還復知制誥咸平初出知黃州奏江淮諸州大患有  
三城池墮圯一也兵仗不完二也軍不服習三也望陛  
下特紓宸斷許江淮諸郡酌民戶眾寡城池大小並置  
守捉軍士多不過五百人閱習弓劍然後漸葺城壁繕  
完甲冑則郡國有禦侮之備長吏免剽畧之虞矣疏奏  
上嘉納之宋史二百九十三 嘉靖志云禹偁在揚政  
暇每遊詠名勝諸蹟遂以人與辭稱重云  
戚綸字仲言應天楚邱人以文行知名知永嘉縣有政  
績連詔褒之轉著作佐郎通判泰州將行命為秘閣校  
理景德元年拜右正言綸久次州縣雷意吏事每便殿

請對語必移晷或召見多所敷啓大中祥符三年出知

杭州胡則時領發運縱肆不檢厚結李溥綸素惡之則

黨因共摺摭綸過徙知揚州惟揚亦溥則巡內持之益

急改徙徐州宋史三百六 案李溥宋史戚綸傳  
作李浦東都事畧作季浦並傳寫誤

李防字智周大名內黃人為三司戶部判官景德初江

南罕詔與張知白分東西路安撫上言秦義嘗增權酷

錢民頗煩擾江南以歲饑權罷淮南未被德音詔悉罷

之遂為江南轉運淮南舊不禁鹽制置司請禁鹽而官

鬻之使兵夫輦載江上且多漂失之患防請令商人入

錢帛京師或輸芻糧西北邊而給以鹽公私皆利宋史  
三百



趙賀字餘慶開封封邱人爲江淮制置發運使占隸三司軍將分部漕船舊皆由主吏自遣受賕不平或數得詣富饒郡因以商販貧者至不能堪其役賀乃籍諸州物產厚薄分劇易爲三等視其功過自裁定由是吏巧不得施歲漕米溢常數一百七十萬宋史三百一

晏殊字同叔撫州人嘗官泰州西溪鎮民思不忘改名

晏溪鎮有書院南風亭皆殊建

事具嘉靖志

凌策字子奇宣州涇人以都官郎中出知揚州屬江淮

歲儉頗有盜賊以策領淮南東路安撫使策勤吏職處事精審所至有治迹真宗嘗對王旦言策有才有用旦曰

策性淳質和臨事強濟上深然之

宋史三百七

張傳字巖卿譙人知楚州會歲饑貽書發運使求貨糧

不報因歎曰民轉死溝壑矣報可待耶乃發上供倉粟

賑貸所活以萬計因拜章待罪詔獎之累遷陝西轉運

使徙江淮發運使

宋史三百

歐陽觀字仲賓廬陵人廉而好施予由綿州軍事推官

調泰州軍事判官卒於任正身懷道不及其施子修官

參知政事累贈崇國公

事見歐陽文忠公集

薛奎字伯藝絳州正平人天禧元年爲淮南轉運副使



遷江淮發運使疏真揚漕河廢三堰舟楫便之

東都事畧五十一

三案歐陽文忠集及宋史並作字宿藝

賈宗天禧初任發運使時歲漕自真揚入淮歷堰者五官私煩費宗請濬漕渠廢三堰以均水勢歲省費十萬

儀徵縣志事具宋史河渠志

王隨字子正河南人歷官淮南轉運使時歲比饑隨敕屬部出庫錢貸民市種糧歲中約輸絹以償流庸多復業遷刑部員外郎出知應天府改知揚州

宋史三十一

徐天錫字日休吳忠武王溫後天禧中以進士起家累

遷著作郎知寶應縣時寶應大饑疫募民出米為饘粥以食民聚醫藥以治病者其家屢戒無近病人天錫以

為令當然不聽也竟以疫卒吏民稱念不忘

事見王令廣陵集

張若谷字德繇南劍沙縣人為巴州推官真宗識其名歷淮南轉運江淮制置發運使累進樞密直學士知揚州若谷為張士遜引拔然所至有循良跡不徼訐取名

宋史二百九十九云

范端字思道江州德化人為江都令通判通州徙泰州始為江都會歲旱張若谷為揚州遣吏數人與端出視民田他吏還者白歲善端獨白旱若谷初不是之端持旱苗力爭乃卒是所白吳遵路蔣堂為淮南轉運使使



端護河役端言河不可為遂罷端用他吏河果不可為  
事見曾文定公集

蔣堂字希魯常州宜興人為楚州團練推官歷江南東  
路轉運使徙淮南堂在江淮歲薦部吏三百人或謂一  
有謬舉且得罪何多為堂曰十得二三亦足報國坐失  
按王蒙正故入部吏死罪降知越州擢天章閣待制江  
淮制置發運使先是發運使上計造大舟數十載江湖  
物入遺京師權貴堂曰吾豈為此歲入自可附驛奏也  
前後五年未嘗一至京師

宋史二百九十八

杜衍字世昌越州山陰人補揚州觀察推官遷尚書祠部員外郎知揚州章獻太后遣使安撫淮南使還未及

他語問杜衍安否使者以治狀對太后歎曰吾知之久

矣

宋史二百十

吳遵路字安道累官淮南轉運副使兼發運司事嘗於  
真楚泰州高郵軍置斗門十九以蓄洩水利又廣屬郡  
常平倉儲畜至二百萬以待凶歲凡所規畫後皆使之

宋史四百二十六 案遵路潤州丹陽人具吳淑傳

范仲淹字希文蘇州吳縣人監泰州西溪鹽稅遷大理  
寺丞徙監楚州糧料院歷右司諫時歲大蝗旱江淮京  
東滋甚仲淹請遣使循行未報乃請開日宮掖中半日



不食當何如帝惻然乃命仲淹安撫江淮所至開倉賑

宋史三百十四 東都事畧云仲淹安撫東南所至

除淫祀賑乏絕民有食烏味草者擷草以進請示六

官貴戚戒其侈心因陳八事以諫見本傳 又方輿紀

要云天聖中仲淹監西溪鹽稅請修復捍海堰今詳河

渠志胡宿字武平常州晉陵人登第為楊子尉縣大水民被

溺令不能救宿率公私船活數千人宋史三百十八

張綸字公信潁州汝陰人除江淮制置發運副使時鹽

課大虧奏除通泰楚三州鹽戶宿負助其器用鹽入優

與之直由是歲增課數十萬石築漕河堤二百里於高

郵北旁錮鉅石為十礎以洩橫流泰州有捍海堰延袤

百五十里久廢不治歲患海濤冒民田綸議修復論者

難之綸表三請願身自臨役命兼權知泰州卒成堰復

通戶三十六百州民利之為立生祠居淮南六年累遷

乾州刺史徙知潁川在江淮見漕卒凍餒道死者眾歎

曰此有司之過非所以體上仁也推奉錢市絮襦千數

衣不能自存者宋史四百二十六

滕宗諒字子京與范仲淹同登進士第歷泰州從事時

仲淹為鹽官同護海堰之役遇大風至即夕潮上兵民

驚逸吏蒼惶不能止宗諒神色不變緩說利害眾意乃

定事見范文正公集 案宗諒河南人仲淹稱其

才以泰州軍事推官召試學士院見宋史本傳



鍾離瑾字公瑜廬州合肥人為淮南轉運副使歷江淮制置發運使殿直王乙者請自揚州召伯埭東至瓜洲濬河百二十里以廢二埭詔瑾規度以工大不可就止置埭召伯埭旁人以為利

宋史二百九十九案宋史鞠詠劉隨傳皆言瑾多致東

南物以賂權貴今從舊志節錄

包拯字希仁廬州合肥人知天長縣有盜割人牛舌者主來訴拯曰第歸殺而鬻之尋復有來告私殺牛者拯曰何為割牛舌而又告之盜驚服歷河北都轉運使知瀛州又以乞便郡徙知揚州拯性峭直惡吏苛刻務敦厚雖甚嫉惡而未嘗不推以忠恕平居無私書故人親

黨皆絕之

宋史三百十六案雍正志今天長縣在

高寶間皆揚州地然則宋之天長邑實錯有揚地舊志載之是也又案雍正志所載皆知開封以後事今刪

李繹字縱之累擢江淮制置發運使內出絹五十萬匹責買於東南繹曰百姓饑不宜重擾輒奏罷之甫半年

漕課視常歲增五之一

宋史三百七案繹京兆萬年人具李若拙傳

王琪字君玉成都華陽人調江都主簿上時務十二事請建義倉置營田減度僧罷鬻爵禁錦綺珠貝行鄉飲藉田復制科興學校仁宗嘉之除館閣校勘集賢校理歷淮南轉運使再知揚州以禮部侍郎致仕卒葬真州詔真揚發卒護其窆

宋史三百十二



張瓌字唐公知揚州卽拜淮南轉運使三司下諸道責

羨財淮南獨上金九錢三司使怒移文譙切瓌以賦數

民貧對瓌當官敢言觸忤勢要至屢黜不悔宋史三百三十一案

瓌張洎孫滁州全椒人洎傳又作懷玉舊志譌作張環考張環傳有兄環恐非一人

孔道輔字原魯孔子四十五代孫明道二年權御史中

丞會郭后廢道輔率諫官御史十人詣垂拱殿伏奏願

賜對出知泰州道輔性鯁挺特達遇事彈劾無所避出

入風采肅然宋史二百九十七

余靖字安道韶州曲江人充集賢校理范仲淹以言事

得罪諫官御史莫敢言靖疏論之貶監筠州酒稅稍徙

泰州已而天子感悟復用仲淹被斥者皆召還靖以便

親乞知英州事見歐陽文忠公集

邵必字不疑知高郵軍提點淮南刑獄爲京西轉運使

必居官震厲風采始至郡唯一赴宴集行部但一受酒

食之餽以爲數會聚則人情狎多受餽則不能行事非

使者體也宋史三百十七案必丹陽人具邵亢傳

唐介字子方荆南人爲殿中侍御史出知揚州歷江淮

發運使神宗卽位拜參知政事神宗欲用王安石介謂

安石果用天下困擾必矣數與安石爭論上前不勝憤

悶疽發背而卒東都事畧七十三劉摯唐質肅神道碑云至和元年知揚州辭日帝諭日卿



重刊揚州府志 卷之四十三  
孤立不移所守今雖在外無忘  
規補賜服三品見劉忠肅集

宋庠字公序安州安陸人寶元中以參知政事出知揚  
州徙鄆州庠所至以慎靜為治天資忠厚嘗曰逆詐恃  
明殘人矜才吾終身不為也人稱其長者宋史二百八十四

張奎字仲野知楚州歷河東都轉運使加龍圖閣直學  
士知揚州奎治身有法度風力精強所至有治迹吏不  
敢欺宋史三百二十四 案奎臨濮人具張亢傳

徐的字公準建州建安人累遷淮南江浙荆湖制置發  
運副使奏通泰州海安如皋縣漕河詔未下的以便宜  
調兵夫浚治之出滯鹽三百萬計得錢八百萬繕遂為  
使遷工部郎中復治泰州西溪河發積鹽加直昭文館

宋史三百

王素字仲儀太尉旦季子累擢天章閣待制淮南轉運  
按察使時新置按察類多以苛為明素獨不摘細故即  
有貪刻必繩治窮竟以故下吏愛而畏之宋史三百二十一 案素莘野人具王旦傳

韓琦字稚圭相州安陽人慶厯五年以資政殿學士知  
揚州州自偽命楊行密以軍儲乏於民常稅之外借取  
其半借者不載稅籍琦謂聖朝不當有無名之斂請為  
蠲之琦在陝西屢陳天下置義倉不便至此始有詔罷



之已輸之粟令悉歸官廩琦謂非當日建倉之意於民失信請盡發以賑貧乏七年徙鄆州琦所至惠愛及人

既去思慕不已往往畫像事之

忠獻韓魏王家傳嘉靖志云揚民先肖像祀

於雍熙院蔣之奇作記有云魏公前出二府而領維揚之麾後相三朝而建淮南之節雖十年之間屢更旌鉞而終不易鎮則維揚之人挹公之德宜何如哉案東都事畧神宗立琦辭位拜淮南節度使亦見宋史本傳

楊察字隱甫合肥人為御史中丞以忤宰相陳執中罷

知信州徙揚州察遇事明決勤於吏職雖多益喜不厭

宋史二百九十五

趙抃字閱道衢州西安人知海陵縣累擢參知政事抃

長厚清修人不見其喜愠其為政善因俗設施寬猛不

同要之以惠利為本

宋史三百十六東都事畧云抃為吏誠心愛人所至崇學校聘師

儒民有可與與之獄有可出出之見本傳

歐陽修字永叔吉州廬陵人慶厯八年知揚州寬簡不

擾莅政數日事十簡五六再閱月官府閒如僧舍或問

故修曰吾寬不為苛急簡不為煩碎爾非廢事也後拜

參知政事卒贈太子太師諡文忠

雍正志

劉彝字執中福州人從胡瑗學善治水為邵武尉調高

郵簿移胸山令治簿書恤孤寡作陂池教種藝平賦役

抑姦猾凡所以惠民者無不至邑人紀其事日日治範

宋史三百三十四



王鼎字鼎臣累遷淮南兩浙荆湖制置發運使前使者多漁市南物因奏計京師持遺權貴鼎一無所市獨悉意精吏事事無大小必出於己凡調發綱吏度漕路遠近定先後為成法於是勞逸均吏不能為重輕官舟禁私載舟兵無以自給盡盜官米為姦有居販自贍者市人持以法不償所逋鼎為移州縣督償之舟人有以自給不為姦而所運米未嘗不足入為三司鹽鐵副使

宋史

三百 案鼎大名 館陶人具王公傳

吳充字沖卿建州浦城人知太常禮院以忤執政意出知高郵軍歷淮南轉運使王安石參知政事充不善其所為數為帝言不便安石去代為同中書門下平章事

宋史三 百十二

劉敞字原父臨江新喻人知揚州揚之雷塘漢雷陂也舊為民田其後官取瀦水而不償以他田主皆失業然塘亦破決不可漕州復用為田敞據塘舊券悉用還民天長縣鞠王甲殺人既具獄敞察其寃親按問之殺人者富人陳氏也相傳以為神明

宋史三 百十九

馮京字當時鄂州江夏人舉進士第一拜龍圖待制知揚州京少俊邁不羣及知揚內存仁厚而政行敏達事至隨決按法論罪獄掾不能欺民畏服之以太子少師



致仕卒贈司徒諡文簡

嘉靖志

周湛字文淵鄧州穰人以太常少卿直昭文館為江淮制置發運使湛治煩劇能得其要所至喜條上利害前後至數十百事天資強記吏胥滿前一見輒識其姓名

宋史三百

馬仲甫字子山廬江人為夔路轉運使徙淮南真揚諸州地狹出米少官糴之多價常踊登濱江米狼戾而農無所售仲甫請移糴以舒其患兩益於民遂繇戶部判官為發運使自淮陰徑泗上浮長進風波覆舟歲罹其患仲甫建議鑿洪澤渠六十里漕者便之熙寧初守揚州知通進銀臺司復為揚州提舉崇禧觀

宋史三百三十一

富弼字彥國河南人少篤學有大度范仲淹見之曰王佐才也英宗立為樞密使居二年以足疾求解拜鎮海軍節度使同中書門下平章事判揚州封祁國公進封

鄭宋史三百十三案鄭公父富言乾興天聖中嘗監

鄭泰州稅務州學有石刻蔣穎叔書云鄭公嘗侍其父征商於海陵見春雨草堂集又嘉靖志云鄭公於治平二年任泰州軍事通判常造舟備寇鑿海灘以藏舟至今人呼鄭公灘

張洞字仲通開封祥符人為淮南轉運使淮南地不宜麥民艱於所輸洞復命輸錢官為糴麥不踰時而足

宋史

二百九十九

重刊身守志

卷之四十三宦蹟一

三



蘇頌字子容泉州南安人歷南京畱守推官時杜衍居

睢陽見頌深器之遂自小官以至為相所以設施出處

悉以語頌曰子異日必為此官故頌後歷政畧似衍神

宗命為淮南轉運使元祐七年拜右僕射兼中書門下

侍郎罷知揚州宋史三百四十四 案輿地紀勝云頌於元祐八年九月知揚州紹聖初復知揚

州事見清源集東都事畧及宋史文皆不備

錢公輔字君倚常州武進人少從胡翼之學有名歷副

樞密知諫院王安石排異已者出滕甫鄆州公輔數於

帝前言甫不當去藪向更鹽法公輔謂向當黜拂安石

意出知江寧府徙揚州 宋史三百二十一

劉攽字貢父熙寧中判尚書考功與王安石書論新法

不便安石怒斥通判泰州哲宗初知蔡州給事中孫覺

胡宗愈中書舍人蘇軾范百祿言攽博記能文章政事

俾古循吏宜畱京師召拜中書舍人宋史三百十九 案攽臨江新喻人

具劉敞傳

羅拯字道濟祥符人為江淮發運副使江淮故無積倉

漕船俟糴入乃得行蓋官吏以淮南不受陳粟為逃讎

計拯請凡米不可上供者以廩軍又貯浙西米於潤倉

以時運自是漕增而費省轉為使居職七年徙知永興

軍拯為使時與副皮公弼不協公弼徙他道御史劾其



貨官錢拯力為辨理錢公輔為諫官嘗論拯短而公輔  
姻黨多在拯部內往往薦進之或譏以德報怨拯曰同  
僚不協所見異也諫官所言職也又何怨乎時服其長  
者宋史三百三十一

沈括字存中為太子中允加史館檢討淮南饑遣括察  
訪發常平錢粟疏溝瀆治廢田以救水患遷集賢校理  
宋史三百三十一 案括錢塘人具沈邁傳 東都事  
畧云括為揚州司理參軍宋史文不備又云括吳興人  
張次山通州人文彥博包拯薦諸朝熙寧中知泰州一  
日有鶴集階下若有訴至其巢乃某攘其雛烹食即擒  
杖之鶴方退飛次山居官廉蒞事簡聽斷不以私撓飛

鳥猶知所訴

輿地紀勝 三十七

鮮于侁字子駿閬州人為京東西路轉運使元豐二年  
召對命知揚州神宗曰廣陵重鎮久不得人今朕自選  
往宜善治之蘇軾自湖州赴獄道揚侁往見臺吏不許  
通或曰公與軾相知久其往來書文宜焚之不然獲罪  
侁曰欺君負友吾不忍為以忠義分譴則所願也為舉  
吏所累罷宋史三百四十四 秦觀淮海集云侁為  
政以經術自輔所至有迹其去民追思之  
羅適字正之台州寧海人元豐中為江都令民有訟曲  
直徑決於前不以屬吏若小過輒誨諭遣去黎明視事  
入夜猶不已曰與其委成於吏民有不盡之情孰若勞



已之耳目哉政化大行訟者益少復大石湖改名元豐  
溉田千有餘頃遠近自陳復陂塘溝渠之利者一切聽  
許水利之興復者五十有五溉田六千頃桑亦八十五  
萬有奇出私錢營藥給疾病之民所瘡不可勝計歲滿  
代去民思之即召伯埭畫像祠之淮海集

呂公著字晦叔夷簡子元豐間知揚州公著性勤勵在  
郡率未明而起秉燭視牘雖燕居如齋時接賓僚尤詳  
聽覽小吏賤胥咸得輸其情理官有繫重囚而置酒宴  
會者公著遣吏諭之皆逃懼由是上下咸修其職轉運  
司輦乳香萬劬配賣郡中悉停之郡庫雖符檄督迫不  
為強配民尤德之萬曆志

鄒浩字志完常州晉陵人調揚州教授呂公著為守禮  
遇之累官兵吏二部侍郎寶文閣侍制宋史二百四十一  
申公命浩為樂語浩辭焉據宋史乃范忠宣事雍正志  
削之良是然仍剛存被召首薦之語呂鄒兩傳皆所未  
有並刊去攷李燾長編云浩為  
蘇頌所知由頌昌教授除國子博士

孔宗翰字周翰知仙源縣為治有條理王珪司馬光  
章論薦由通判陵州歷揚州以治聞哲宗初立求言吏  
民上書以千數詔司馬光采可用者十五人獨稱獎其  
二乃宗翰與王鞏也宋史二百九十七  
案宗翰道輔子

滕甫字元發東陽人知揚州除龍圖閣直學士復知鄆



州時淮南京東饑元發慮流民且至將蒸為癘疫先度城外廢營地召富室使為席屋一夕成二千五百間井竈器用皆具民至如歸所全活五萬徙真定太原以老力求淮南乃以龍圖閣學士復知揚州未至卒

宋史三百三十一

徐積字仲車楚州山陽人養親以孝著居鄉以廉稱道義文學顯於東南以揚州司戶參軍為楚州教授使者交薦之轉和州防禦推官改宣德郎監中岳廟卒賜諡節孝處士

宋史四百五十九

王存字正中潤州丹陽人以資政殿學士知揚州召為

吏部尚書性寬厚不為詭激之行其所守確不可奪司

馬光謂存並馳萬馬中能駐足者人以為知言

東都事畧九十九

蘇軾字子瞻眉州山人以龍圖閣學士出知揚州舊

發運司主東南漕法聽操舟者私載物貨征商不得畱

難故操舟者輒富厚以官舟為家補其弊漏且周船夫

之乏所載率皆速達無虞後一切禁而不許故舟弊人

困多盜所載以濟飢寒公私皆病軾請復舊從之

宋史三百

三十八 萬曆志云軾知揚州嘗奏揚民為積欠所壓檢察本州宜縱而拘於法者六條乞往催理從之又自蔡京知揚州宴集為萬花會用芍藥數十萬枝吏緣為奸軾悉罷之

晁補之字无咎濟州鉅野人通判揚州以文章著名太



守蘇軾稱為風流賢別駕既而其弟詠之亦調揚州司  
法參軍軾雅重其能文顧坐客曰奇才也

明一統志

曾肇字子開元祐七年為吏部侍郎出知徐州歷泰州

徽宗時又知揚州肇天資仁厚而容貌端嚴更十一州

類多善政

宋史三百十九 案肇建昌南豐人具曾鞏傳

王安禮字和甫召試知制誥彗星見安禮上疏曰執政

大臣是非好惡不遵諸道乘權射利者不察上惠養元

元之意用力殫於溝瘠取利究於園夫殆有以召星變

以資政殿學士再知揚州

東都事畧七十九 案安禮撫州臨川人具王安石傳

陸佃字農師吳縣人紹聖四年知泰州建真院開鳳凰

池置堂閣亭庵以經術課士以平易臨民事簡政清人

甚感頌

泰州志 案東都事畧宋史皆作越州山陰人見本傳

呂好問字舜徒侍講希哲子以廕補官崇寧初治黨籍

好問以元祐子弟坐廢司揚州儀曹蔡卞為帥欲攀附

善類待好問特異好問以禮自持卞不得親及卞得政

同時掾屬拔擢畧盡獨好問畱滯卞諷之曰子少親我

卽階顯列矣好問笑不答

宋史三百六十二 案舜徒舊志譌作舜從

章絳字伯成吳人以提點淮南東路刑獄權知揚州時

方鑄崇寧大錢行新鈔法小錢舊鈔盡廢百姓皇皇商

賈有自殺者絳上疏言錢法誤民蔡京怒罷絳

嘉靖志案宋



史籍建州浦城人與此不同事具章奏傳甘泉志誤作張緯又案緯弟縉史云居蘇州舊志當有本故仍之

張根字知常饒州德興人大觀中為淮南轉運使加直龍圖閣上書請常平止聽納息以塞兼并下戶均出役錢以絕姦偽市易惟取淨利以役商賈雖名若非正然與和買不讐其直什買而使之倍輸額外無名無數之斂有間矣又以水災多乞蠲租賦散活口米常平青苗米振貸流民詔褒諭之徙兩浙辭不行乃具疏付驛遞奏大畧謂今州郡無兼月之儲太倉無終歲之積軍須匱乏邊備缺然安得不豫為之備因條列茶鹽常平等利病之數遂言好賜不可不節書奏權倖側目尋以花石綱拘占漕舟官買一竹至費五十緡而多入諸臣之家因力陳其弊益忤權倖乃擿根所書奏牘注切草畧為傲慢不恭責監信州酒稅宋史三百五十六

陳邁字亨伯其先自江寧徙永州以直秘閣為河北轉運使徙淮南帝將易置發運使命選諸道計臣執政以邁言蔡京曰職卑不可帝曰可除集英殿修撰使往遂為副使未幾升為使朝廷方督綱餉運渠壅澀邁使決呂城陳公兩塘達於渠漕路南通而朱勔花石綱塞道官舟不得行邁捕繫其人上章自劾帝為黥勔人進邁徽猷閣待制

宋史四百四十七案邁本傳從知真定徙中山遇害舊志謂死於真定誤也



劉蒙政和六年通判揚州時江淮諸郡民苦水患流移四出泰州高郵至三千餘人轉聚於揚蒙曲加周恤咸得不死事聞上特遷一官旌之

嘉靖志

翁彥約字行簡崇安人知高郵軍郵當江淮孔道商旅出入多以貿易茶鹽爲業姦民計圭撮銖兩之私連逮抵罪者不可勝計彥約初下車有告訐者片言立決案無畱牘吏猶欲以支辭蔓其獄彥約曰兩獄充斥若等尚恨其少耶吏錯愕失對不敢倚法爲姦一郡相慶歲大旱步禱疲甚旣雨而得疾或以是尤之彥約謂民蘇而吾病吾無憾矣乞休未報而卒行道之人莫不出涕

高郵州志

向子諲字伯恭臨江人宣和初除江淮發運司主管文字淮南仍歲旱漕不通有欲濬河與江淮平者內侍主其議無敢可否子諲言自江至淮數百里河高江淮數丈而欲濬之使平決不可曩有司三日一啓閘復作澳儲水故水不乏比年行直達之法加以應奉往來啓閉無節堰閘率不存今復故制嚴禁約則無患使者用其言漕復通進淮南轉運判官建炎元年遷江淮發運使子諲言去歲劉順奉蠟詔令監司帥守募兵勤王臣卽鏤板徧檄所部而六路漠無應者惟淮東一路臣親率



諸司粗成紀律猶有占吝錢物莫肯供億願明詔大臣按劾諸路監司向承詔而廢格不勤王及名為勤王而稽緩者悉加顯黜命諸路提刑司究實以聞九月罷以為李綱所善故黃潛善斥之

宋史三百七十七 宋劉摯向公墓誌云子謹開封

人初補假承奉郎改真州司錄事累除淮南轉運判官陛辭力論財用所以不足故因言朱勔挾應奉為姦有旨委子謹覺察騷擾違法者子謹至以法繩之勔橫少戢見劉忠肅集

蔡伸字仲道莆田人襄孫宣和間通判真州時火燒民居千餘家露處雪中伸闢寺宇官解分處之且發常平廩以賑給守者不可伸曰此國家所以備非常也如得咎請獨當之事聞朝廷釋不問後伸以趙鼎黨乞祠與

秦檜有舊不為少屈官至左中大夫

儀徵縣志 蔡伸 蔡洸父見宋史洸

傳

趙子瀟字清卿秦康惠王後也宣和中調真州刑曹掾與守爭獄事解官去累遷戶部郎中總領江淮軍馬錢糧諸司饋禮月以千緡悉歸之公帑除直秘閣兩淮轉運副使朝廷遣人檢沙田蘆場欲槩增租額子瀟以承買異冒占力止之

宋史二百四十七

許份字子大閩人靖康初知揚州上召諭揚州古名郡今以委卿份因請曰臣聞應奉司封記花竹凡山林之勝士民之居騷然無復遺地願速罷去又言揚一都會



州縣不足以供經費帥臣又於經賦外增上供窮民不堪願如政和三年舊額皆從之金人再入寇份即日檄兵勤王解亳州之圍督輓漕糧至畿甸者不絕時諸路援兵所至多縱剽掠不聽入城軍士病之份大啓城闔至則撫勞而去秋毫無犯揚民晏如

嘉靖志

馬尚建炎三年通判泰州時巨寇王琳嘯聚境上持閭邱勃帖欲入領州事尚察其偽不納琳合兵圍城尚晝夜巡禦募敢死士千人開城出戰殺獲甚眾凡四十二日相繼薄城者五六終不能犯紹興元年以通判進知

泰州招徠軍民并墾闢鹽場境內以饒

雍正志

鄭興裔字光錫初名興宗顯肅皇后外家三世孫也知廬州移知揚州揚與廬舊為鄰初興裔在廬嘗卻鄰道互送禮至是按郡籍見前所卻者有出無歸遂奏嚴其禁揚有重屯糧乏例糴他境興裔搜括滲漏以補之食遂足民舊皆茅舍易焚興裔貨之錢命易以瓦自是火患乃息又奏免其償民甚德之修學宮立義冢定部轄民兵升差法郡以大治

宋史四百六十五

洪興祖字慶善鎮江丹陽人紹興時知真州州當兵衝瘡痍未瘳興祖始至請復一年租從之明年再請又從之自是流民復業墾闢荒田至七萬餘畝

宋史四百三十三



莫濛字子濛湖州歸安人戶部左曹郎中出知揚州陞  
辭上以城圯命濛增築濛至州規度城闔分授諸將各  
刻姓名甃堞間縣重賞激勸閱數月告成除直寶文閣

學士

宋史三百九十 嘉靖志云濛建常平倉並牧馬  
軍寨歲饑請將椿管米賑濟案椿管詳宋史職官

志

蔡洸字子平其先興化仙遊人徙雪川以戶部郎總領  
淮東軍馬錢糧會西溪卒移屯建康舳艫相銜時久旱  
郡民築陂瀦水灌溉漕司檄郡決之父老泣訴洸曰吾  
不忍獲罪百姓也已而大雨漕運通歲亦大熟民歌之  
曰我瀦我水以灌以溉俾我不奪蔡公是賴就除司農

少卿

宋史三  
百九十

陳俊卿字應求興化人累除權兵部侍郎金主亮渡淮  
俊卿受詔整浙西水軍李寶因之有膠西之捷亮死詔  
俊卿治淮東堡砦屯田所過安輯流亡孝宗受禪遷中  
書舍人充江淮宣撫判官兼權建康府事隆興初元建  
都督府俊卿除禮部侍郎參贊軍事張浚初謀大舉北  
伐俊卿以為未可已而邵宏淵果以兵潰俊卿退保揚

州

宋史三百  
八十三

周淙字彥廣湖州長興人孝宗受禪進直徽猷閣帥維  
揚錢端禮宣諭淮東復以淙薦進直顯謨閣時兩淮經



踐蹂民多流亡淙極力招輯按堵如故勸民植桑柘開屯田上亦專以屬淙屢賜親札淙奉行益力進直龍圖閣除兩浙轉運副使

宋史三十九

陳敏字元功贛之石城人孝宗卽位張浚宣撫江淮奏敏為神勁軍統制李顯忠失律敏退守高郵兼知軍事與金人戰射陽湖敗之焚其舟追至沛城復敗之乾道元年遷宣州觀察使歲餘敏抗章乞再戍高郵更築其城乃升敏都統制兼知高郵軍事敏至郡板築高厚皆增舊制自寶應至高郵作石礎十二所自是運河通泄無衝突患四年召為左驍衛上將軍敏言宜修楚州城池再出守高郵與楚州守臣左祐同城楚州祐卒遂移

守楚 宋史四十二

張邲字彥知和州烏江人乾道中以監甌院丞求外補出守儀真前守員琦獻羨緡八萬皆文具實無一金邲到郡悉以實聞得免輸以真為揚楚之衝當築城以固人心度錢米費郡有上供與經制羨數可得大半因請降給三萬緡發近屯兵二千人自督役不再閱月樓櫓屹然而民不與知擢守武昌 儀徵縣志張大經字彥文建昌南城人宰龍泉有善政諸司列薦賜對便殿出知儀真時兩淮監司帥守多興事邀功大



經獨以平易近民咸德之

宋史三百九十三

沈煥字叔晦定海人始與陸九齡友從而學焉乾道五年舉進士授揚州教授召為太學錄以所躬行者淑諸人蚤莫延見學者孜孜誨誘眾忌之會私試發策言路以為訕已請黜之調高郵軍教授

宋史四百一十

張頴字仲升樵李人淳熙中知高郵軍慈祥愛人興革利病不遺餘刃郵人戴為父母嘉泰初知真州州昔未有堰閘乾興間大將軍陶鑑為木閘二以便漕事歲久輒腐至是頴易以石後世石閘本此

雍正志高郵志云字仲思

萬鍾字元亨錢塘人淳熙十年知泰州購名書藏於州

學修城東南北三水門建譙樓其上增祀胡瑗王居正

於三賢祠鍾以儒雅飾吏事澹然不事功利而蠱弊盡

除民甚德之

嘉靖志案鍾見宋史孝宗紀

趙彥倓字安卿彭城侯叔襲曾孫初調溧陽尉改揚州

司戶攝獄掾有告主藏吏盜錢餘千萬治之急吏泣請

死彥倓察其情屏人問則諸吏共貸也乃許自首免罪

一日而畢

宋史二百四十七

陳損之建陽人為提舉水利使於高郵等處置石埭十

三斗門八盪水河三十有五涵管四十有五增築隄六

百餘里障風濤以利農田郵人德之為立祠

高郵州志畧見宋史



河渠志

陳之綱字仲宏崇德人慶元初令海陵時范公堤久頽  
潮汐衝突為農害之綱董役修治弗憚寒暑視昔益堅  
民賴之

嘉靖志

劉宰字平國金壇人慶元中調真州司法時詔下州責  
有出身現任人狀稱不係偽學不讀周敦頤程頤等書  
方得考試宰喟然曰平生所學者何首可斷此狀不可  
得卒弗與遷泰興令浙東倉司幹官遂引去屢薦不起  
隱居三十年有漫堂文集語錄行世

雍正志畧見宋史本傳

孫傑慶元間令高郵時歲祲之後民饑盜起傑賑饑餒

輯流散邑人以安郵俗南北雜處囂而善訟傑處以清

肅簡易臨人民不忍犯稱為賢令

高郵州志

應武字緯之天台人為高郵教授課試有程雖寒暑昕  
夕不怠被其教者學粹辭麗文行可觀諸生繪像祀之

郡人陳造為記

嘉靖志

林伯成福州長樂人嘉泰四年教授高郵以郡學狹陋  
即舊址撤而廣之諸士咸服其教立祠肖像祀之開禧  
中知真州創建陶冶築城五百餘丈鑿壕深廣之真州  
翼城之築自伯成始

雍正志

彭方字季正江西都昌人朱子守南康受業於白鹿洞



開禧中為揚州教授建七賢堂祀韓忠獻七人遷景陵令以薦入直龍圖閣累官兵部侍郎龍圖閣直學士

江都

縣志

潘友文字文叔金華東陽人嘉定初以承議郎知真州時兵燹後民無屋廬饑饉相望友文開賑民局給餼糧施藥餌全活者三萬戶修築翼城創屋八百間其上開濬壕河民有所恃建瑞芝清邊堂百廢具舉逾三年除福建提舉民立祠祀焉

嘉靖志

王寔字定叟東陽人知高郵軍流民聚眾為盜寔剿其渠魁餘黨悉散時議出師寔謂莫若遣探敵情如不得

已然後行之否則無故自蕩其本根是外兵未至而內兵先慘烈也諸軍畢行惟高郵遲之境賴以安

宋史四百八

施宿為常平使海陵城垣久圯宿申乞耗鹽袋錢置窰百座並乞兵夫修築廣厚視舊有加復建惠民倉惠民藥局加惠元元無所不至嘉定十五年郡人祠之於城隍廟西廡禱多應紹定元年守陳垓增繪象於景賢堂

事見春雨草堂集案宿字武子吳興人見明浙江通志

汪綱字仲舉黟縣人知高郵軍陞辭言揚楚二州當各屯二萬人壯其聲勢而以高郵為家計若高郵三面阻水湖澤與阻戎馬不能騁獨西南一路直距天長無險



可守迺去城六十里隨地經畫或浚溝塹或備設伏以扼其衝又慮湖可以入淮招水卒五千人造百艘列三砦以戒非常興化民田濱海昔范仲淹築堰以障烏滸守毛澤民置石礎涵管以疏運河水勢歲久皆壞綱乃增修之部使者聞於朝增一秩提舉淮東常平淮東煮鹽之利本居天下半歲久弊滋鹽本日侵帑儲空竭鹽司窘不能支綱挾撻隱伏凡虛額無實詭爲出內飛走移易事制曲防課乃更羨爲椿辦庫以備鹽本之闕添置新竈五十所諸場悉視乾道舊額綱約已率下辭臺部之互餽獨增場官俸以養其廉擢戶部員外郎總領淮東軍馬財賦綱核名實警稽慢區畫處分餉事賴以不乏

宋史四  
百八

李道傳字貫之隆州井研人嘉定時知真州城圯弗治道傳甃之築兩石壩以護並江居民益浚二壕又堤陳公塘有警則決之以爲阻人心始固

宋史四百  
三十六

崔與之字正子廣州人舉進士金南遷於汴朝議疑其進迫特授直寶謨閣權發遣揚州事主管淮東安撫司事寧宗引入內親遣之奏選守將集民兵爲邊防第一事既至浚壕廣十有二丈深二丈西城壕勢低因疏塘水以限戎馬開月河置釣橋州城與堡砦城不相屬舊



築夾土城往來為易以饒揚州兵久不練分疆勇鎮淮  
 兩軍月以三十八日習馬射令所部兵皆做行之楚州工  
 役繁夥士卒苦之叛入射陽湖亡命多從之者與之給  
 旗帖招之眾聞呼皆至首謀者獨遲疑不前禽戮之其  
 餘隸諸軍金人入境宰相遣與之三書俾議和與之亟  
 修戰守備遣精銳布要害金人深入無功和議亦寢召  
 為秘書少監軍民遮道垂涕

宋史四  
百六

豐有俊字宅之四明人嘉定中知真州時旱甚有俊計  
 口賑恤之置贍軍莊創防城庫增置陶冶為城守計立  
 小學於學宮政尚節愛民德之為立祠

康熙  
志

方信孺字孚若興化軍人累遷淮東轉運判官兼提刑  
 知真州即北山匱水築石堤袤二十里人莫測其所為  
 後金人薄城守將決水匱以退敵城乃獲全

宋史三百  
九十五

袁申儒嘉定中知真州上言便宜十二事作翼城置營  
 運庫開茆家山塘築堤置閘堰匯諸水溉城以防敵是  
 年金兵果至迫翼城疑不敢前遂遁去

儀徵  
縣志

吳機字子發天台人嘉定間為淮南轉運判官兼知真  
 州至則創闢武亭設抵當庫鑿橫河浚重壕導塘水置  
 堰閘匝壕三隅分兵五等補尺籍備器械畫城捍禦部  
 分井然時翼城未就工費繁鉅前守數十年經畫至是



始成初漕運悉用客艘機曰擾民非常計也捐官錢置

舟數百民旅便之重建大成殿於學屬楊子令丁宗魏

等修州志去之日民為立祠嘉靖志

葉秀發字茂林金華人知真州楊子縣轉奉議郎知高

郵軍時淮南尚繹騷秀發上五策一曰防海道二曰審

邊境三曰擇武守四曰練軍實五曰畜財用而以正人

心作士氣為之本高沙三十六湖水高而田下隄防不

固則千里一壑民且無稼秀發建石埭以疏水勢潄洩

有恒無乾溢之病後馬光祖為守思秀發功構祠樊良

堤以祠焉事見宋文憲集

上官奐西字元之邵武人寶慶初以轉運判官權真州

事請改築翼城以衛城南之民節冗費覈羨財選參佐

三年乃成修社稷壇立常平倉贍軍濟民修車馬備器

械凡守禦之需皆具焉儀徵縣志

陳垓號漫翁閩人寶慶二年知泰州兼權淮東提舉職

事建泰堂鑿東西北外濠并浚南濠置節制司營房馬

廄總七百間紹定元年遷貢院新學校諸樓臺亭館庫

庠場務坊里橋梁所營勦者凡六十餘所州人享其利

焉泰州志案宋史理宗紀寶祐元年陳垓貪贓不法竄潮州以時代攷之似即是人然無他證故從舊志

人錄



許堪金華人嘉熙中知泰州增治城壕四角為月河深廣皆倍於舊又創堡城於城北五里淳祐元年金兵突至以壕深不敢向城州人德之

泰州志 方輿紀要云 端平中州守許堪築新城

余晦四明人初辟制置大使司幕官尋令江都時百務蝟興最繁且迫晦處之裕如江都迎新令例有公費晦謝不取以之建堂於廳西榜曰清書云

萬厯江都志 案晦見宋史理

宗紀

王應麟字伯厚慶元府人舉進士調揚州教授言今之事舉子業者沽名譽得則一切委棄制度典故漫不省

非國家所望於通儒於是閉門發憤誓以博學宏辭自見與弟應鳳同中是科詔褒諭之

宋史四百三十八

杜庶字康侯權知真州郡素闕備庶大修守禦具以司農丞知和州尋知真州兼淮東提點刑獄踰年移淮西人歡迎如見慈父治績甚多開慶元年進大理少卿淮東轉運副使兩淮制置司參謀官特授兩淮制置使知揚州射陽湖饑民嘯聚庶曰吾赤子也遣將招刺得丁壯萬餘戮止首惡數人

宋史四百十二 案 庶邵武人具杜杲傳

李庭芝字祥甫隨人開慶元年權揚州尋知陝州丁母憂去朝議擇守揚者帝曰無如李庭芝乃奪情主管兩



淮制置司事時揚新遭火廬舍盡燬州賴鹽爲利而亭戶多亡去公私蕭然庭芝悉貸民負逋假錢使爲屋屋成又免其假錢凡一歲官民居皆具鑿河四十里入金沙餘慶場以省車運兼浚他運河放亭戶負鹽二百餘萬逃者皆來歸始平山堂瞰揚城元兵至則構望樓其上張車弩以射城中庭芝乃築大城包之募汴南流民二萬人以實之又大修學與士行習射禮郡有水旱卽命發廩不足則以私財賑之揚民德之如父母

宋史四百二十一

楊文仲字時發眉州彭山人寶祐元年登進士第添差

通判揚州牙契舊額歲爲錢四萬緡累增至十六萬開告訐以求羨文仲曰希賞以擾民吾不爲也卒增十八界一而已制置使李庭芝檄主管機宜文字時有沙出使者欲舉行之文仲力爭以爲與民之惠有限不擾之惠無窮事遂不行召爲宗學博士

宋史四百二十五案十八界乃交子法

詳宋史食貨志舊志臆改非是


舊志有呂頤浩張浚向子恣岳飛韓世忠劉錡張縝梁淵元宗張昭魏友王方丁宗魏徐景趙范趙葵王鑑吳從龍邱岳汪立信姜才趙淮苗再成趙孟錦胡拱辰孫虎臣陸秀夫高貴共一十八人今皆詳事畧



志又盛度案宋史及東都事畧度再知揚州並無宦  
蹟史但言其猜險而已舊志臚舉瑣事亦不足存今  
刪又曾致堯別無宦蹟舊志載其孫肇典郡立三至  
堂今詳古蹟志又呂夷簡亦無宦蹟舊志載手植牡  
丹事今詳雜錄

重修揚州府志卷之四十三





五十二